


重刻通典



		五	漢
	一	一	書
	六	六	門
四	四	〇	
八	七	九	
冊	架	函	類

庫	文	閣	內	
九	五			漢
三	一			書
一	四	六		
六	八	〇		
架	冊	號	類	

內閣文庫			
番號	漢	5160	
冊數	48(8)		
函號	293	124	

二千九百九



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



通典卷第二十五

唐 京兆杜佑君卿纂

職官七

諸卿上

總論諸卿 少卿附

夏制九卿記曰夏后氏宮百天子有三公九卿也亦有六卿殷周皆然殷亦九卿伊尹

日三公謂陰陽周之九卿即少師少傅少保冢宰司徒

宗伯司馬司寇司空三代諸卿雖名號不同然其官職相沿與周不異說在歷代官制篇

漢以太常光祿勳衛尉太僕廷尉大鴻臚宗正大司農

少府謂之九寺大卿後漢九卿而分屬三司太常光祿勳衛尉三

乾隆十二年校刊

職官七

卿並太尉所部太僕廷尉大鴻臚三卿並司多進為三

公各有署曹掾史隨事為員九卿有疾使者臨問加賜

錢布尚書令陳忠常欲褒崇大臣故奏建此禮魏九卿與漢同九卿名數與漢同晉

以太常等九卿即漢九卿兼將作大匠太后三卿大長秋皆

為列卿各置丞功曹主簿五官等員太康四年增九卿

禮秩元帝以賀循為太常而散騎常侍如故循以九卿舊不加官唯拜太常而已宋齊及梁

初皆因舊制宋卿尹皆銀章青綬進賢兩梁冠佩水蒼玉衛尉則武冠晉服制以九卿皆文冠乃

進賢兩梁冠非舊也梁武帝天監七年以太常卿加置宗正卿以

大司農為司農卿三卿是為春卿加置太府卿以少府

為少府卿加置太僕卿三卿是為夏卿以衛尉為衛尉

卿廷尉為廷尉卿將作大匠為大匠卿三卿是為秋卿

以光祿勳為光祿卿大鴻臚為鴻臚卿都水使者為大

舟卿三卿是為冬卿凡十二卿皆置丞及功曹主簿後

魏又以太常光祿勳衛尉謂之三卿太僕廷尉大鴻臚

宗正大司農少府為六卿各有少卿太和十五年初置少卿官掌同大卿

北齊以太常光祿衛尉宗正太僕大理鴻臚司農太府

是為九寺晉荀勗曰九寺可併於尚書後魏亦有三府九寺則九卿稱寺久矣然通異名不連官號

其官寺連稱自北齊始也置卿少卿丞各一人各有功曹五官主簿

錄事等員隋九寺與北齊同自昔三代以上分置六卿至周明備至秦及漢雖事

不師古猶制度未繁後漢有三公九卿而尚書之任又益重矣魏晉以降職制日增後周依周禮置六官而年

乾隆十二年校刊

職官七

代短促人情相習久已不能革其視聽故隋氏復廢六
官多依北齊之制官職重設庶務煩滯加六尚書似周
之六卿又更別立寺監則戶部與太府分地官司徒職
事禮部與太常分春官宗伯職事刑部與大理分秋官
司寇職事工部與將作分冬官司空職事自煬帝降光
祿以下八寺卿階品於太常而少卿各加置二人始開

諸司署唯典掌受納至煬帝署令為判
首取二卿同判丞唯知檢局令闕丞判
大唐九寺與北

齊同卿各一人少卿各二人丞以下有差龍朔二年改

九寺之名凡卿皆加正若太常卿為奉常後各復舊

太常卿丞 主簿 博士 奉禮郎 協

律郎 兩京郊社署 太祝 奉禮郎 協

太醫署 太卜署 廩儀署 汾祠署 太

公廟署
今太常者亦唐虞伯夷為秩宗兼夔典樂之任也周時

曰宗伯為春官掌邦禮秦改曰奉常漢初曰太常欲令

國家盛大常存故稱太常顏師古曰太常者王之旌也

以行禮官主奉持之故曰奉畫日月焉王者有大事則建

常後改為太尊大之義也惠帝更名奉常景帝六年

更名太常惠帝時叔孫通為太常定宗廟儀法及定漢

廟酒酸免孔臧為太常坐南陵後漢秩與漢同每祭祀

橋壞免王莽改太常卿為秩宗前奏其禮儀及行事贊天子每選試博士奏其能否大

射養老大喪皆奏其儀每月前晦察行陵廟助祭則平

冕七旒漢舊制以列侯忠孝敬慎者居之後漢不必侯

也舊制陵縣悉屬歲舉孝廉後漢則否後漢周澤為太

疾齋宮其妻窺問所苦澤怒以妻干齋禁收送獄時為

之語曰生世不諧作太常妻一歲三百六十日三百五

乾隆十二年校刊

職官七

十九日齋一日不齋醉如泥既得作事復昏迷又桓榮及子郁皆為太常初榮受學章句減其煩辭後郁又刪定由是有桓君大小太常章句又劉愷為太常卿論議常引大義諸儒為之語曰難經恍恍劉太常恍呼郎切建安中為奉常魏黃初元年改為太常魏晉皆銀章青綬進賢兩梁冠絳朝服佩水蒼玉魏夏侯元為太常多所任改晉王祥為太常高貴鄉公命為三老又鄭默字思元為太常山濤欲舉一親為博士見默語曰卿似尹翁歸令吾不敢言柔而能整也又蔡謨字道明拜太常咸康四年臨軒門下奏非祭祀宴饗則無設樂奏宜金石帝納焉臨軒作樂自此始宋齊皆有之舊用列曹尚書好遷選曹尚書領護梁視金紫光祿大夫陳因之後魏為上卿兼置少卿官周禮有小宗伯中大夫二人即其任北齊曰太常寺置卿及少卿丞各一人掌陵廟羣祀禮樂儀制天文術數衣冠之屬後周建

六官置大宗伯卿一人掌邦禮以佐皇帝和中外是為春官隋曰太常與北齊同煬帝加置少卿二人大唐因之龍朔二年改太常為奉常少卿及丞隨寺不設咸亨元年復舊光宅元年改太常為司禮神龍初復舊卿一人掌禮儀祭祀總判寺事少卿二人通判餘少卿職並同太常少卿一員神龍中加一員領丞一人主簿二人博士四人八祝三人奉禮郎協律郎各二人齋郎五百五十二人餘小吏郊社太公廟大樂鼓吹太醫太卜廩犧等署各有令其郊社及太公廟兩京皆有
 ○丞秦置一人漢多以博士議郎為之後漢凡諸丞皆掌行禮及祭祀小事總署曹事舉廟中非法皆銅印墨

乾隆十二年校刊

職官七

綬進賢兩梁冠

職官要錄曰晉宋九卿丞皆進賢一梁冠介幘皂衣銅印黃綬齊梁墨綬

代皆有

漢谷永字子雲為太常丞數上疏言得失又韋弘為太常丞父賢以弘當嗣太常職掌陵廟煩

劇多過勅弘自免懷嫌不去梁舊用員外郎遷尚書郎

天監七年改視尚書郎陳因之後魏北齊亦有之隋有

二人大唐因之分判寺事

餘寺丞職並同○主簿漢有之漢鹵

制太常駕四馬主簿前車八乘魏晉亦有焉梁天監七年十二卿各置

主簿一人陳因之北齊有功曹五官主簿二人

歷代諸主簿多

說在列職篇

大唐置二人掌付事勾稽省署抄目監印給紙

筆等事

餘寺主簿並同職

○博士魏官也魏文帝初置晉因之

掌引導乘輿王公以下應追謚者則博士議定之秦有博士

數十人兩漢太常屬官皆有博士掌以五經教子弟則今國子博士是也說在本篇端委佩玉朝

之大典必於詢度歷代皆有隋有四人大唐因之甚為

清選資位與補闕同掌撰五禮儀注導引乘輿贊相祭

祀定誅諡及守祧廟開閉垣室及祥瑞之事

中宗將為韋后父鄭

王陵廟各置五品令太常博士楊字曰興寧永康陵尚置七品令鄭王不可上踰先帝又勅武氏崇恩廟齋耶宜取五品也上曰太廟齋耶尚取七品以下子武氏不為臣太廟為崇恩之君以臣准君猶○太祝殷官與太宰等官為六太周官太祝下大夫二人上士四人掌六

祝之辭以祈福祥秦漢有太祝令丞後漢亦曰太祝令

丞晉宋齊梁陳後魏北齊皆因之後周依周官至隋置

丞晉宋齊梁陳後魏北齊皆因之後周依周官至隋置

太祝署太祝令丞煬帝罷署太祝八人大唐初有七人
 後增為九人開元二十三年減置三人掌讀祝文出納
 神主○奉禮郎漢大鴻臚有理禮郎四十七人晉理禮
 郎四人屬大行令後魏理禮郎四人北齊有奉禮郎三
 十人屬鴻臚寺之司儀署後周有理禮中士下士各
 人隋有奉禮郎十六人屬太常寺煬帝減置六人大唐
 初有理禮郎四員掌設板位執儀行事至永徽二年以
 廟諱改為奉禮郎開元二十三年減二員奉禮本名理
 禮國家撰
代史志至永徽七年乃成於時此官已改故隋書百官
 志謂北齊及隋理禮皆為奉禮奉禮之名雖見於前史
 其改始○協律郎漢曰協律都尉李延年為之武帝
 自永徽

善新聲故
 為此官

後漢亦有之魏杜夔亦為之

魏武平荊州初
 得杜夔知音識

舊樂故
 為此官

晉改為協律校尉後魏有協律郎又有協律中
 郎北齊及隋協律郎皆二人大唐因之掌舉麾節樂調

和律呂監試樂人典課○兩京郊社署周官有典祀掌

以時祭祀秦漢有太祝令丞屬奉常景帝改為祠祀武

帝更曰廟祀後漢祠祀屬少府魏晉有太祝令丞宋曰

明堂令丞掌祀五帝之事齊有太祝及明堂二令梁有

明堂太社二令並屬太常北齊太廟令兼領郊祀崇虛

二丞

郊祀掌五郊羣神崇
 虛掌五嶽四瀆神

後周有司郊上士中士司社

中士下士隋太常寺置郊社署令丞各一人大唐因之

掌郊社明堂祠祀祈禱及茅土衣冠等事○太樂署周
官有大司樂掌成均之法亦謂之樂尹以樂舞教國子

左傳楚鍾建為樂尹即大司樂也秦漢奉常屬官有太樂令及丞又少

府屬官并有樂府令丞後漢永平三年改太樂為大予

樂令掌伎樂人凡國祭饗掌諸奏樂盧植禮注云大予

樂律卑者之子不得舞宗廟之酌除吏二千石到六百

石及關內侯到五大夫子取適子高五尺以上年十二

到三十顏色和順身體循禮者以為舞人魏復曰太樂令丞晉亦有之齊銅

印墨綬進賢一梁冠絳朝服齊太樂及諸陵令承明末

戶曹六品保舉梁陳因之後魏置太樂博士北齊曰太樂令丞

後周有大司樂掌成均之法後改為樂部有士士中士

隋有太樂令丞各一人大唐因之掌習音樂樂人簿籍

○鼓吹署周禮有鼓人掌六鼓四金之音後漢有承華

令典黃門鼓吹屬少府晉置鼓吹令丞屬太常元帝省

太樂并鼓吹哀帝復省鼓吹而存太樂梁有鼓吹令丞

又有清商署北齊鼓吹令丞及清商部並屬太常隋有

鼓吹清商二令丞至煬帝罷清商署大唐鼓吹署令丞

各一人所掌頗與太樂同○太醫署周官有醫師上士

下士掌醫之政令秦兩漢有太醫令丞亦主醫藥屬少

府後漢又有醫丞有醫工長魏因之晉銅印墨綬進賢一梁冠絳朝

服而屬宗正過江省宗正而屬門下省宋齊隸侍中梁

乾隆十二年校刊

通典卷三十五 職官一

七

陳因之後魏有太醫博士助教北齊又曰太醫令丞後周太醫下大夫隋太醫署令二人大唐因之主醫藥凡領醫針灸按摩呪禁各有博士武德中關中多骨蒸病允宗每療皆愈或謂曰何不著書以貽將來答曰醫乃意也在人思慮有脉候幽微苦其難別意之所解口莫能宣古之名手唯是別脉然後識病之於藥有正相當者唯須單用一味直攻彼病立即可愈今人不能別脉莫識病源以情意度多用藥味譬之於獵不知兔處多發人馬空廣遮圍或冀一人偶然逢也如此療病不疎乎既不可言故無著述甄權貞觀中百餘歲撰脉經針方明堂人形圖其弟立亦達醫術撰本草音義七卷古今錄驗○太卜署殷官太卜為六太周官太卜掌三方五十卷

兆之法秦漢有太卜令後漢并於太史自後無聞後魏有太卜博士北齊有太卜局丞後周有太卜大夫小卜上士龜占中士隋曰太卜令丞一人大唐因之○廩犧署周禮有牧人掌牧六牲以供祭祀秦漢內使左馮翊廩犧令丞並掌犧牲鴈鶩後屬大司農後漢河南尹屬官有廩犧丞魏晉宋齊梁陳後魏北齊隋皆有之大唐令丞各一人掌犧牲粢盛之事○汾祠署齊太公廟署並有令丞各一人大唐開元中置

光祿卿丞 主簿 掌醢署 太官署 珍羞署 良醢署 秦有郎中令主郎內諸官 故曰郎中令 掌宮殿掖門戶漢因之石建為郎中令奏事事已下建省讀驚曰書馬者與尾而五今乃不足一獲譴死矣其謹慎如此 至武帝太初元年更名光祿勳應劭曰光明也祿爵也勳功也如淳曰勳之言闔也闔古主門之官

乾隆十二年校刊 職官七

光祿主宮門故也張安世為光祿勳郎有醉小便殿主事行法安世曰何以知其不覆水也郎有淫官婢婢兄自言安世曰奴以恚怒誣汚衣冠告署搨後漢曰光祿勳為司中

祿勳所掌同典三署郎更直執戟宿衛考其德行而進

退之漢東京三署郎有德應四科者歲舉茂才二人四行二人及三署郎罷省光祿勳猶依舊舉四行衣

冠子弟郊祀之事掌三獻光祿勳居禁中如宋之殿有中御史有

獄在殿門外謂之光祿外部兩漢自光祿太中中散諫

議等大夫及謁者僕射羽林郎郎中侍郎五官武賁左

右等中郎將奉車駙馬二都尉車戶騎三將如淳曰主車曰車郎

主戶衛並屬光祿勳後漢張湛字子孝拜光祿勳光武臨朝或有惰容湛輒陳諫其失嘗

乘白馬上後見湛輒曰白馬生且復諫矣又杜林字伯山為光祿勳內供奉宿衛外總三署周密敬慎選舉

平郎有好學者輒見誘進朝夕滿堂士以此高而慕附又荀爽為光祿勳視事三日册拜司空建安末

復改光祿勳為郎中令魏黃初元年復為光祿勳東晉

哀帝興寧二年省光祿勳併司徒孝武寧康元年復置

自魏晉以後無復三署郎而光祿不復居禁中唯外官

朝會則以名到焉二臺奏劾則符光祿加禁止解禁止

亦如之禁入殿省光祿主殿門故也其宮殿門戶至宋文猶屬焉梁

除勳字謂之光祿卿卿舊視列曹尚書天監中視中庶

子職與漢同後魏又置少卿北齊曰光祿寺置卿少卿

兼掌諸膳食帳幕隋文帝開皇三年廢光祿寺入司農

十二年復置初有卿及少卿各一人煬帝加置二少卿

乾隆十二年校刊

職官七

雖取漢代舊名而其職則別

大唐龍朔二年改光祿寺為司宰寺咸

亨初復舊光宅元年為司膳神龍初復舊卿一人掌終

獻行事少卿二人領太官珍羞良醞掌醢等四署署各

有令丞○丞漢二人多以博士議郎為之後漢一人魏

晉因之銅印黃綬梁陳視員外郎

其員外說在通直散騎常侍郎中

後

魏北齊並有之隋有三人大唐置二人○主簿漢置晉

宋齊梁陳並有之北齊曰功曹五官主簿隋二人大唐

因之○太官署令丞於周官為膳夫庖人外饗中士下

士蓋其任也秦為太官令丞屬少府兩漢因之桓帝延

熙元年使太官令得補二千石魏亦屬少府晉屬光祿

勳宋齊屬侍中梁門下省領太官陳因之後魏分太官

為尚食中尚食知御膳隸門下省而太官掌百官之饌

屬光祿卿北齊因之後周有典庖中士內膳中士隋如

北齊大唐因之各一人○珍羞署令丞於周官有籩人

掌四籩之實

蓋其任也後漢少府屬官有甘丞主膳具晉太

官令有錫官果官吏各二人自後無聞北齊餼藏令屬

光祿寺後周有餼藏中士下士隋如北齊大唐因之長

安中改為珍羞神龍初復舊開元初又改之有令丞各

一人○良醞署令丞於周官有酒正中士下士掌酒之

政令後漢湯官丞主酒屬少府晉有酒丞一人齊食官

局有酒吏梁曰酒庫丞北齊有清漳令丞主酒後周如古周之制隋曰良醢署令丞各一人大唐因之○掌醢署令丞於周官有醢人掌四豆之實自後無聞至齊諸公府有釀食典軍二人後周有掌醢中士下士隋曰掌醢署令丞各一人大唐因之

衛尉卿

丞 主簿 武庫署 武器署 守宮署 公車司馬令 左右都候

衛尉秦官掌門衛屯兵漢因之

漢舊儀曰衛尉寺在宮內胡廣云主宮闕之內

衛寺於周垣下為區廬者若今之仗宿屋

景帝初更名中大夫令後元年復

為衛尉又有長樂建章甘泉衛尉皆掌其宮其職略同

而不常置

顏師古曰各隨所掌之宮以為官名後漢有衛尉卿一人職與

漢同晉銀章青綬五時朝服武冠佩水蒼玉掌冶鑄領

冶余

凡領五千三百五十冶在江北而江南唯晉江左有梅根及冶塘二冶皆屬揚州不屬衛尉

不置衛尉宋孝武復置南齊掌宮城管鑰

後漢張衡西京賦曰衛尉

八屯以警夜巡南齊宮城諸却敵城樓上本施鼓持夜者以應更唱高帝以鼓多警眠遂改以鐵磬梁衛

尉卿位視侍中職與漢同卿每月丞每旬行宮徼糾察

不法陳因之後魏亦有之北齊為衛尉寺有卿及少卿

各一人隋文帝開皇三年廢衛尉寺入太常及尚書省

十三年復置掌軍器儀仗帳幕之事而以監門衛掌宮

門屯兵大唐因之龍朔二年改衛尉為司衛咸亨初復

舊光宅元年又改為司衛神龍初復舊卿一人少卿二

人初少卿一人太極元年加一人領武庫武器守宮三署署各有令○

丞秦漢多以博士議郎爲之後漢一人魏晉並同宋孝

武增置一人梁亦有之後魏北齊並有隋因之大唐置

二人○主簿一人漢衛尉駕四馬主簿前車以乘晉有

衛尉主簿二人宋齊梁陳因之北齊隋亦有二人大唐

因之○武庫令丞於周官司甲司弓矢等下大夫司戈

盾等中士下士蓋其任也兩漢曰武庫令屬執金吾後

漢又有考工令丞屬太僕主造兵器成付武庫令晉魏

因之晉後屬衛尉宋齊武庫令丞屬尚書庫部梁陳屬

衛尉卿北齊亦有後周如周官隋如北齊大唐因之各

一人天寶六年四月勅改儀制令廟社門宮門每門各

二十戟東宮每門各十八戟一品門十六戟嗣王郡王

若上柱國帶職事二品散官光祿大夫以上鎮國大將

軍以上各同職事品及京兆河南太原府大都督大都

護門十四戟上柱國帶職事三品上護軍帶職事二品

若中都督上都護門十二戟國公及上護軍帶職事三

品若下都督諸州門各十戟並官給貞元五年十二月

中書門下奏應請列戟官准儀制令正一品開府儀同

三司嗣王郡王并勳官上柱國柱國等帶職事三品以

上並許列戟准天寶六載四月敕文加散官光祿大夫

鎮國大將軍以上各同職事品近日散試官便帶高階者衆恐須商量者伏請准舊制令本文取帶三品以上正員職事爲定敕旨依○武器署令丞隋行臺尚書省有武器監令大唐永徽中始置各一人掌祭祀及朝會巡幸及公卿婚葬鹵簿之事○守宮署漢有守宮令丞掌御紙筆墨及諸財用并封泥之事屬少府晉及北齊屬光祿勳北齊守宮令掌張設之事梁陳屬大匠卿隋屬衛尉寺大唐置令一人掌諸鋪設帳幕氈褥床薦几席之事廣德二年二月勅文京兆府諸司諸使幕士丁匠總八萬四千五百人數內宜月支二千九百四十四人仍令河東關內諸州府據戶口分配不待偏出京兆府餘八萬一千一百一十四人並停○公

車司馬令秦屬衛尉漢因之掌殿司馬門夜徼宮中天

下上章四方貢獻及闕下凡所徵召公車者皆總領之

漢張釋之爲公車令時景帝與太子梁王共車入朝不下司馬門釋之遂劾其不敬文帝免冠謝太后太后詔赦之然後後漢有丞一人丞選曉諱掌知非法尉主闕

門兵禁戒非常胡廣曰諸門部各陳屯夾道其旁設兵以示威武交節戟以遮誤出入也晉

江左以來直曰公車令宋以後屬侍中隋有公車署置

令丞大唐無○左右都候周禮司寤氏有夜士干寶注曰今都候之屬後漢

各一人主劔戟士徼循宮及天子有所收考宮中諸有

都候執戟戲車縛送付詔獄在宮大小各付所屬見尚書令僕射尚書皆執板拜見郎對揖屬衛尉

後無

宗正卿

丞

主簿

崇元署

諸陵署

太廟署

周官小宗伯掌三族之別以辨其親疎秦置宗正掌親屬漢因之更以敘九族平帝元始四年更名宗伯五年又於郡國置宗師以糾皇室親族世氏致教訓焉選有德義者為之有寃失職者宗師得因郵亭上書宗伯請以聞為書付郵亭常以正月賜宗伯帛十疋王莽併宗伯於秩宗後漢曰宗正卿一人掌序錄王國嫡庶之次及諸皇室親屬遠近郡國歲因計上皇族名籍若有犯法當髡以上先上諸宗正宗正以聞乃報決胡廣曰正宗又或

理諸王世譜差叙秩第髡口昆切

兩漢皆以皇族為之不以他族

楚

卿各劉辟疆劉德等迭為此官又後漢書曰劉軫字君文梁孝王之允為宗正卒官遂世掌焉魏亦然

晉兼以庶姓

山公啟事曰羊祜忠篤寬厚然不長理劇宗正卿缺不審可轉作否

咸寧三

年又置宗師以扶風王亮為之使皇室戚屬奉率德義

所有施行必令誥之

梁王彤亦為宗師

東晉省之屬太常

桓溫奏省

宋齊不置宗正梁天監七年復置之視列曹尚書主皇

室外戚之籍以皇族為之陳因之後魏有宗正卿少卿

北齊亦然後周有宗師中大夫

掌皇族定世系辨昭穆訓以孝悌

屬大

冢宰隋如北齊之制大唐龍朔二年改為司宗咸亨元

年復舊光宅元年改為司屬神龍初復舊卿一人少卿

二人

初少卿一人太極元年加置一人

掌皇族外戚簿籍及邑司名帳

乾隆十二年校刊

通鑑卷一百一十五 職官七

十一

領崇元署及諸陵太廟開元二十五年制宗正等寺官屬皆以皇族為之○丞漢亦用皇族後漢一人

後漢劉茂字子

衛為宗正丞

歷代皆有之至隋有二人大唐因之○主簿梁

置陳北齊隋皆有大唐因之置一人○崇元署令一人

初後魏天興二年置仙人博士掌煮鍊百藥北齊置昭

元等寺掌諸佛教有大統一人都維那三人兼置功曹

主簿等員以管諸州縣沙門之法後周置司寂上士中

士掌法門之政又置司元中士下士掌道門之政隋初

置崇元署令丞至煬帝改郡縣佛寺為道場置道場監

一人改觀為元壇監一人大唐復置崇元署初又每寺

觀各置監一人屬鴻臚貞觀中省開元中以崇元署隸

宗正寺掌觀及道士女冠簿籍齋醮之事○諸陵署漢

有諸陵園寢官屬太常

長陵令秩二千石為高祖陵也故尊其秩

元帝永光

元年分諸陵邑屬三輔

史記曰司馬相如為孝文園令

後漢每陵園令

各一人掌按行掃除丞及校長各一人

校長主戒盜賊晉宋皆

曰令而梁初為監後亦改為令梁以下皆有之大唐每

陵令丞各一人初屬太常開元二十五年並屬宗正寺

○太廟令漢有諸廟寢園令長丞

宋志曰漢西京日長東京日令

晉有

太廟令宋太廟令領齋郎二十四人齊梁以下皆有

後魏

有太常齋郎漢書曰田千秋為高廟寢郎

舊屬太常大唐開元二十五年二

乾隆十二年校刊

通鑑卷二十五 職官七

十五

月勅宗廟所奉尊敬之極因以名署情所未安宜令禮
官詳擇所宜奏聞至五月太常少卿韋紹奏曰謹詳經
典兼尋令式宗廟享薦皆主奉常別置署司事非稽古
其太廟署請廢省本司專奉其事許之二十五年勅宗
正設官實司屬籍而陵寢崇敬宗廟惟嚴割隸太常殊
乖本系奉先之旨深所未委自今已後諸廟署並隸宗
正

太僕卿

丞

主簿 車府署

乘黃署 諸牧署

典廐署

典牧署

周官有太僕下大夫掌正王之服位出入王之大命似
今太僕之職一云周穆王置太僕正以伯冏為之冏俱

掌輿馬秦因之在周官則校人掌馬中車掌車及置太

僕兼其任也漢初夏侯嬰常為之

漢書曰夏侯嬰為沛公太僕常奉車自高

帝至文帝常為太僕又石慶為太僕御出

上問車中幾馬慶以策數馬畢曰六馬領五監龍馬

橐泉駒駮承華五監各有六廐皆有令

或曰六廐謂未央承華駒駮龍

馬輅輪大廐也馬皆萬匹武帝承文景蓄積海內殷富

廐馬有四十萬匹時匈奴數寇邊遣衛青霍去病發十

萬騎并負私從馬凡十四萬匹窮追大破匈奴漢馬死

者十餘萬匹匈奴雖病遠去而漢亦馬少無以復往於

是漢久不北擊匈奴數歲滅兩越是時天子

王莽改太

僕為太御後漢太僕與漢同亦掌車馬天子每出奏駕

上鹵簿用大駕則執馭初漢西京置六廐東京約省唯

節安慰天下祭彤字次孫為太僕帝過孔子講堂魏因

指子路室曰此太僕之室也太僕吾之禦侮也

之晉初有之銀章青綬五時朝服進賢兩梁冠佩水蒼玉領典牧乘黃驎騮龍馬等廐令自元帝過江之後或置或省太僕既省故驎騮廐為門下之職潘尼字正叔為太僕造乘與箴晉諸公贊云郭展為太僕留心於養生是以廐馬充多征吳得以濟事晉宋以來不常置郊祀則權置太僕執轡事畢則省齊亦然梁太僕卿位視黃門侍郎統南牧左右牧龍廐內外廐陳因之後魏兼置少卿太武帝平統萬赫連昌定隴右禿髮沮渠等河西水草善乃以為牧地六畜滋息馬三百餘萬匹駢駢將半之牛則無數孝文帝遷洛陽之後復以河陽為牧場恒置戎馬十萬匹以擬京師軍警之備每歲自河西徙牧於并州漸南欲其習水土而無死傷也而河西之牧滋甚北齊太僕寺統驎騮左右龍左右牧乘黃車府署卿及少卿各一人

後周如古周隋如北齊煬帝加署少卿一人大唐龍朔

二年改太僕為司馭咸亨初復舊光宅元年改為司僕

神龍初復舊卿一人掌馭五輅少卿本一員景雲元年

加一員領乘黃典輓典牧車府等四署署各有令天下

監牧置八使五十六監貞觀初僅有牧牝三千匹從赤岸澤徙之隴右十五年始令太

僕卿張萬歲勾當羣牧至麟德四十年間馬至七十萬六千匹置八使領六監初置四十八監跨蘭渭秦原四

州之地猶為隘狹更析八監布於河曲其時天下以一

縑易一馬儀鳳三年少卿李思文檢校隴右諸牧監方

稱使爾後或戎狄外侵或牧圍乖散泊乎垂拱漸耗大

半開元初牧馬二十四萬四十二年加至四十五萬匹

初有牛三萬五千頭是年有二十萬六千口盛於垂拱○承秦

漢有兩人後漢一人

漢書張敬字子高為太僕丞

魏晉因之東晉或

乾隆十二年校刊

職官七

省或置梁有丞陳因之後魏北齊丞一人隋三人大唐因之○主簿梁置一人北齊亦一人隋二人大唐因之

○乘黃署後漢太僕有未央廐令魏改為乘黃廐乘黃古之神馬因以為名乘黃亦名飛黃背有角日行萬里淮南子云天下有道飛黃伏阜一

云神黃獸名龍翼馬身黃帝乘而仙晉以下因之宋屬太常銅印墨綬進賢一梁冠絳朝服歷代皆有乘黃乘輿大唐令丞各一

人掌乘輿車輅○典廐署於周官有校人圉師趣馬掌十二閑之馬漢西京太僕有龍馬長東京有未央廐令

掌乘輿及宮中之馬魏為驂駟廐晉有驂駟龍馬二廐自宋以後分驂駟廐屬門下梁太僕有龍廐及內外等

廐陳因之北齊有驂駟左右龍等署後周有左右廐各上士一人隋如北齊大唐改龍廐為典廐署令一人丞

四人掌在廐繫飼馬牛及雜畜事○典牧署於周官牧師下士四人掌牧馬而頒之秦漢邊郡置六牧師令說

諸牧魏晉以下因之隋有典牧牛羊等署各置令丞大監篇唐有乘黃等四署令丞各四人掌外牧及造酥酪脯腊

之事○車府署秦有車府令以趙高為之歷代皆有漢魏屬太僕宋齊以後屬尚書駕部北齊以下又屬太僕

大唐置令丞各一人掌王公以下車輅○諸牧監漢太僕有牧師諸苑三十六所在北邊西邊以郎為苑監官

乾隆十二年校刊

通鑑卷二十五 職官七

十八

魏置牧官都尉晉因之自後無聞北齊有左右牝牡駝
牛羊等署令後周曰典牝典牡上士中士又有典駝典
羊典牛中士隋曰典牧署牛羊署令丞大唐初因之分
曰牧監置監副監丞主簿武太后聖歷二年正月置控
鶴府監一員從三品丞一員
從六品主簿一員從七品控鶴左右各二十員從五品
下以張易之為控鶴監統左控鶴出外供奉以麟臺監
張昌宗統右控鶴內供奉久視元年六月改控鶴監為
天驥府其月二十五日又改為奉宸大夫前改為天驥
者宜內供奉員半千以奉宸之職古無其事又授斯任
者率多輕薄非朝廷進止選上疏請罷之由是忤旨其
年四月勅奉宸令一員從三品奉宸侍郎一員從四品
上奉宸大夫十員左右各五品上奉宸驂乘十員左右
各五品從六品上奉宸主簿一員從七品上凡二十四
員以應二十四氣控鶴奉宸之名歷代不設既以車馬
附此篇

大理卿

正

丞

主簿

獄丞

司直

評事

今大理者亦舜攝帝位皋繇作士正五刑周秋官之任
韓詩外傳曰晉文公使李離為大理過聽殺人自拘於
延遂伏劍死君子曰忠與仁新序曰楚昭王時石奢為
大理有怨人者奢追之則其父也奢曰以父成政不孝
不行君法非忠遂刎頸而死於廷又家語曰季羔為衛
士師則人之足俄而衛有亂季羔逃則者守門謂羔曰
彼有使羔曰君子不隧又曰此有室季羔入焉既罷羔
問曰吾親則子之足而逃我何也別者曰曩者君理人
以法令先君後臣欲臣之免也臣知之臨常論刑君愀
然不樂見於顏色臣又知之君豈私臣哉天生君子其
道固然此臣之所脫君也孔子聞之日善哉為吏者用
法一思仁恕則樹德如嚴暴秦為廷尉漢因之掌刑辟
則樹怨公以行之其子羔乎

凡獄必質之朝廷與眾共之之義也兵獄同制故曰廷
尉此應劭注也顏師古曰延景帝中元六年更名大理

乾隆十二年校刊

職官七

十九

武帝建元四年復為廷尉哀帝元壽一年復為大理書漢
 云張釋之字季嘗為廷尉文帝出嘗有人從渭橋下走
 乘輿馬驚捕之屬廷尉釋之奏其犯蹕當罰金上怒釋
 之曰法者所與天下公共也且以其時而立誅之則已
 今既下廷尉廷尉天下之平也今一傾而天下用法皆
 為之輕重民安所措其手足乎後有盜高廟座前玉環
 者文帝欲族之釋之奏當棄市上大怒釋之曰法如是
 也今盜宗廟器而族之如令愚民取長陵一抔土陛下
 何以加其法乎眾皆呼為張廷尉又張湯為廷尉決大
 獄欲傅古義召請博士弟子理尚書春秋補廷尉史平
 亭疑法奏讞疑事必先為上分別其原以揚主之明言
 此自天子意非由有司也奏事有善則讓曰監掾史某
 所為也亭者平也均也又杜周為廷尉而善伺上所欲
 容有讓周曰君為天下決平不循三尺法專以人意
 旨為獄獄者固如是乎周曰三尺安出哉前主所是者
 者為律後主所是者疏為令當時為是何古之法乎三
 尺者以三尺竹簡書法律也又于定國為廷尉朝廷稱
 之曰張釋之為廷尉天下無冤民于定國為廷尉
 尉氏自以為不冤王莽時改大理為作士矣後漢廷

尉卿凡郡國讞疑

也讞質

皆處當以報

傅賢為廷尉每冬

又盛吉為廷尉每冬至節罪囚當斷夜坐省狀其妻執
 燭吉持丹筆夫妻相向垂淚又楊賜為廷尉乃歎曰昔
 三后成功惟殷於民而臯繇不與焉蓋吝之也遂以世
 非法家固辭漢官儀曰光武時有疑獄見廷尉曹史張
 禹所問輒對處當詳理於是策免廷尉以皆以世家為
 禹代之雖越次而授亦足以厲其臣節
 之而郭氏尤盛郭躬為廷尉躬家世掌法務在寬平乃
 皆施行建安中復為大理鍾繇以魏黃初元年改為
 著於令廷尉鍾毓字稚叔為廷尉聽君父亡沒臣子得為
 廷尉理謗及士為侯其妻不復改嫁毓所制也歷代
 皆為廷尉梁國初建曰大理天監元年復改為廷尉舊
 用黃門後視祕書監有正監平三人元會廷尉三官與
 建康三官皆法冠元衣朝服以監東西中華門手執方

乾隆十二年校刊

通鑑卷三十三 職官七

二

木長三尺一寸謂之執方

天監元年詔建康獄依廷尉三官置正監平革選士流視

給事中以尚書郎出為

陳因之後魏亦曰廷尉北齊曰

大理寺置卿少卿各一人

北齊宋世軌為廷尉少卿時大理正蘇珍之亦以平幹知

名寺中為之語曰決定嫌疑蘇珍之視表見裏宋世軌時人以為寺中二絕卒官廷尉御史諸囚皆哭曰宋廷

尉死我等後周有刑部中大夫掌五刑之法附萬人之

罪屬大司寇亦其任也

今刑部侍郎之任隋初與北齊同文帝

置六卿將除大理盧思道奏曰省有駕部寺留太僕省有刑部寺除大理斯則重畜產而賤刑名也

帝加置少卿二人

趙綽為大理少卿時有侍郎辛直常衣緋裋俗云利官文帝以為厭蠱將

斬之綽曰據法不當死臣不敢奉詔上怒甚令斬綽綽解衣當斬上使人問綽曰竟如何綽曰執法一心不敢

惜死上良久釋之他日又令斬二人綽曰此人當坐杖殺之非法上曰不關卿事綽曰陛下置臣法司欲誤殺

人豈得不關臣事上曰減大木不動者當退綽曰臣冀

減天心何論減木上乃止時薛胄為大理卿胄斷獄以

情而綽守法大唐龍朔二年改大理為詳刑咸亨元年

俱為稱職復舊光宅元年改為司刑神龍元年復舊卿一人

咸亨三年十月張文瓘兼大理卿旬日決疑獄事四百條莫不允

當皆無怨言文瓘常有疾繫囚相與齋禱願其視事上

元二年病卒大理諸囚一時慟哭開元二十一年七月

大理卿袁仁教暴卒繫囚聞之皆慟哭歎曰天不恤冤

人兮何奪我慈親兮有理掌簿獄定刑名決諸疑讞少

無申兮痛哉安訴陳兮卿二人永徽六年初置少卿一員正二人丞六人主簿二

人神龍元年又加一員人司直六人評事十二人○正秦置廷尉正漢因之後

漢一人黃霸字次公宣帝在民間時知百姓苦吏急也

聞霸理法平詔為廷尉正及夏侯勝非議下廷尉獄霸從勝受尚書何敞字比干為廷尉正而務

恕時張湯亦為廷尉殘酷敞嘗與爭之所存者千數魏

乾隆十二年校刊

職官七

二十二

晉謂正監平為廷尉三官

晉廷尉三官通視南臺持書舊尚書郎下遷梁制服獬豸

冠介幘皂衣

其後皆有

魏司馬芝字子華遷大理正有盜官練置都厠上者吏疑女工

收以付獄芝曰贓物先得而後訊其辭若不勝掠或至誣服誣服之情不可以折獄且簡而易從大人之化也

江統字元應為廷尉正作三刑議文隋開皇三年增為

四員煬帝增為六員大唐二人通判寺事龍朔二年改

為詳刑大夫咸亨初復舊○丞自晉武咸寧中曹志上

表請廷尉置丞宋齊梁並因之後魏亦然北齊曰大理

丞一人隋初二人至煬帝改為勾檢官增為十六人分

判獄事大書又曰丞置六人杜景佺徐有功並為司刑丞與來俊臣侯思正同制

獄人稱之曰遇徐杜○主簿自晉魏宋齊梁陳皆有大

唐置一人○獄丞晉有左右丞各一人宋齊因之梁陳

置一人後魏北齊亦然隋有獄掾八人大唐曰丞有四

人○司直後魏永安二年置司直十人御史中尉高穆所奏置視

五品隸廷尉位在正監上不署曹事唯覆理御史檢劾

事漢武已置司直屬丞相府非此司直北齊隋因之隋初置十人煬帝置

十六人大唐置六人掌丞制出使推覆若寺有疑獄則

叅議之○評事漢宣帝地節三年初於廷尉置左右平

員四人宣帝詔曰今遣廷吏與郡鞫獄任輕祿薄其為

日聖王立法明刑者非以為理救衰亂之起也今明主

躬垂明聽不置廷平獄將自正若開後嗣不若刪定律

本而置廷平以理其末代衰聽怠則廷平將搖權而為

乾隆十二年校刊

職官七

亂首也宣帝始置左右平而三輔決錄注云何比干漢武帝為廷尉右平謬矣後漢光武省右

平唯有左平一人掌平決詔獄冠法冠魏晉以來無左

右而直謂之廷尉評後魏北齊及隋廷尉評各一人尚

皇三年罷至煬帝乃置評事四十八人掌與司直同其

後官廢大唐貞觀二十二年褚遂良議重法官復奏置

評事十員掌出使推覆後加二人為十二員○監秦置

廷尉監漢有左右監邴吉字少卿為廷尉監光武省右監唯有左

監一人後漢陳咸為監執獄多恩議人從輕魏晉以來無左右而直云廷

尉監晉起居注云廷尉監陸鸞上表求增築訊堂圖先賢像詔許之隋開皇三年罷大

理監

通典卷第二十五

乾隆十二年校刊

通典卷二十五 職官七

通典卷第二十六

唐 京·兆·杜·佑 君 卿 纂

職官八

諸卿中

鴻臚卿 丞 主簿 典客署 司儀署

周官大行人掌大賓客之禮 周禮又有象胥于寶 秦官

有典客掌諸侯及歸義蠻夷 史記曰韓信亡楚歸漢為連敖徐廣注云連敖典客

漢改為鴻臚 應劭曰郎官行禮贊導九賓鴻臚聲也 景帝

二年令諸侯王薨列侯初封及之國大鴻臚奏謚誅策

應劭曰皇帝建諸侯王賓諸侯王皆屬大鴻臚故其薨奏其行跡賜與謚及哀策誅之 列侯薨及

乾隆十二年校刊

職官八

諸侯太傅初除之官大行奏謚誅策

周禮有大行人小行人主謚官故以

名之臣瓚曰大行是官名掌九儀之制以賓諸侯者顏師古曰事之尊重者遣大鴻臚而輕賤者遣大行人

中六年改大鴻臚為大行令武帝太初元年更名大鴻

臚又更名其屬官行人為大行令

其屬官又有郡邸長丞主諸郡之邸在京

師者至後漢省但令郎理郡邸秦時又有典屬國官掌蠻夷降者漢因

之成帝河平元年省之并大鴻臚

王莽改曰典樂後漢大鴻臚

卿一人諸王入朝當郊迎典其禮儀及郡國上計餘職

與漢同凡皇子拜王贊授印綬及拜諸侯諸侯嗣子及

四方夷狄封者臺下鴻臚召拜之王薨則使使弔之及

拜王嗣

郭况為大鴻臚帝數賜金帛京師號况家為金穴言富實也陳紀字元方拜大鴻臚卒官父寔

為太師長子羣為三公天下以為公慙卿卿慙長

魏及晉初皆有之

魏朝官大

鴻臚始南陽韓暨以宿儒在宣前為大鴻臚及言在官亦稱職故鴻臚中為之語曰大鴻臚小鴻臚前後理行

易相自東晉至於宋齊有事則權置兼官畢則省梁除

大字但曰鴻臚卿位視尚書左丞常導護贊拜

職官錄曰舊視

散騎常侍天監中視中丞吏部後魏曰大鴻臚北齊曰鴻臚寺有卿少

卿各一人亦掌蕃客朝及吉凶弔祭後周司寇有蕃部

中大夫掌諸侯朝覲之敘有賓部中大夫掌大賓客之

儀隋文帝開皇三年廢鴻臚寺入太常十二年復置領

典客司儀崇元三署至煬帝置少卿二人大唐龍朔二

年改鴻臚為司文咸亨初復舊光宅初改為司賓神龍

乾隆十二年校刊

通鑑卷二十六 職官八

初復舊卿一人掌賓客凶儀之事及冊諸蕃少卿本一員景雲二年加一員領典客司儀二署署各有令○丞秦曰典客丞漢為鴻臚丞蕭望之為之魏晉亦然王敦為鴻臚卿謂阮修曰卿常無食鴻臚差有祿能作否修遂為丞梁陳後魏北齊皆有之後周日賓部上士隋如北齊大唐因之有二人○主簿一人○典客署周官有掌客上士中士秦官有典客漢改為鴻臚鴻臚屬官有大行令丞本名行人武帝改為大行令丞魏改大行令為客館令晉改為典客宋分置南北客館令齊梁陳皆有客館令丞後魏初曰典客監太和中置主客令北齊有典客署後周置東南西北四掌客上士下士隋初又

自典客署置令丞煬帝改為典藩署大唐為典客署置令丞各一人掌二土後蕃客辭見宴接送迎及在國火狄○司儀署周官有司儀上士中士漢大鴻臚有理禮郎自後無聞後魏置司儀官北齊置署令丞後周置上士等員隋如北齊大唐因之置令丞各一人掌凶事儀式及喪葬之事

司農卿丞主簿上林署苑總監太倉署鈞盾署導官署諸屯監農中郎將等官農中郎將等官
少皞氏以九鴟為九農正鴟鳥也鴟有九種以為農號各隨其宜以教人事舜攝帝位命棄為后稷周則為太府下大夫秦為理粟內

乾隆十二年校刊
職官八

史掌穀貨漢景帝更名大農令武帝太初元年更名大

司農掌九穀六畜之供膳羞者見宋志漢書凡郡國諸

倉農監都水六十五官皆屬焉母將崇字君房為執金

及乳母崇以為武庫兵器天下公用繕修造作皆度大

司農錢自乘輿不以給供養勞賜一出少府蓋不以本

藏給末用不以人力供私費也後漢大司農掌諸錢穀

王莽改曰義和後更為納言金帛鄭弘字巨君遷大司農在位一月料遣諸徒歲月

舊常一歲不能遣數百人弘舉吏黃固為尚書謂弘曰

多也弘曰不應一人為多宜遣萬人為少又鄭元為大

司農給安車一乘卒官又劉據為大司農以職事被譴

靈帝召諸尚書而傳呼促步將加捶撻尚書令左雄奏

日九卿位亞三公行有佩玉之節動有庠序之儀孝明

承平始加撻罰非古典也帝從之九卿於此始免捶朴

又鄭眾字仲師徵為大司農是時朝廷議欲改弊農田

鹽鐵事眾諫以為不可詔切責至被舉劾眾執之不移

郡國四時上月旦見錢穀簿其逋未畢各具別之邊郡

諸官請調度者皆為給報損多益寡取相給足初郡國

鹽官鐵官並屬司農中興皆屬郡縣建安中為大農魏

黃初元年又改為司農大司農桓範出奔謂曹爽曰大

食範為司農以清省稱晉初因之渡江哀帝末省司農并都水孝

武復置宋齊皆有之梁司農卿位視散騎常侍主農功

倉廩陳因之後魏曰大司農北齊曰司農寺有卿少卿

各一人掌倉市薪米園池果實後周有司農上士一人

掌三農九穀稼穡之政令屬大司徒隋初與北齊同煬

帝置少卿二人穎川太守趙元淑入朝會司農不時納

乾隆十二年校刊

職官八

幾時當了元淑曰不過十日即日拜元淑為司農卿納天下租如言而畢大唐龍朔二年改

司農為司稼咸亨初復舊卿一人少卿二人掌東耕供

進耒耜及邦國倉儲之事領上林太倉鈎盾導官四署

署各有令丞○丞秦曰理粟內史丞有二人漢為大司農丞

亦二人或謂之中丞耿壽昌為大司農中丞奏設常平倉給北邊省轉漕又桑弘羊為大

司農中丞管諸計會事平帝又置大司農部丞十三人人部一州

勸農桑後漢司農丞一人部丞一人部丞主帑藏魏晉因之

銅印黃綬宋齊以來墨綬進賢一梁冠介幘皂衣後魏北齊皆

有司農丞隋置五人大唐六人○主簿晉太康中置自

後無聞梁陳又有北齊亦然大唐因之○上林署漢水

衡都尉之職說在都水篇後漢曰上林苑令丞主苑中禽獸

頗有人居皆主之魏晉因之江左無聞宋初復置隸尚

書殿中曹齊因之梁陳屬司農北齊及隋亦然大唐因

之有令二人丞四人掌諸苑園池沼種植蔬果藏冰之

事○太倉署於周官有廩人下大夫上士秦官有太倉

令丞漢因之屬大司農後漢令主受郡國傳漕穀其榮

陽敖倉官中興皆屬河南尹歷代並有之晉江左以來又有東倉石

頭倉丞各一人北齊亦然後周曰司倉下大夫隋有令二人丞

六人大唐有令三人丞二人掌倉廩出納○鈎盾署漢

鈎盾令宦者典諸近園苑遊觀之事屬少府後漢亦有

乾隆十二年校刊

通鑑卷一百一十四 職官八

之晉大鴻臚屬官有鈞盾令自後無聞北齊如晉制隋

如北齊令三人丞十二人大唐因之令二人丞四人掌

薪炭鵝鴨藪澤之物天寶五載九月侍御史楊釗充木炭使自後相循或以京尹或以戶

部侍郎充○導官署導周有舂人秦漢有令丞屬少府漢東

京令丞主舂御米及作乾糒糒音備屬大司農歷代皆有

之大唐置令二人丞四人掌舂碾米麩油燭之事○苑

總監自隋而置東西南北各有監及副監大唐因之兼

有丞主簿等官以掌苑內宮館園池之事○諸倉監後

漢河南尹屬官有滎陽穀倉長丞梁司農有左中右三

部倉丞陳因之隋諸倉各有監官大唐因之掌倉廩出

納○司竹監漢有司竹長丞魏晉河南淇園竹各置官

守之後魏有司竹都尉隋曰司竹監大唐因之有監副

監丞掌植養園竹之事○溫泉湯監令大唐置掌湯院

宇修整器物以備供奉○諸屯監隋置諸屯監及副監

畿內者隸司農自外者隸諸州大唐因之置監及丞掌

營種屯田勾當功課畜產等事○驥粟都尉驥音搜索也漢武帝

軍官不常置又有理粟均輸令漢有之幹官長漢有之

都尉以桑弘羊為之幹音管或作幹主均輸之事所謂幹鹽鐵而榷酒酤也

晉灼曰此竹箭幹之官長也均輸自有令顏師古曰如

說近是也縱作幹讀當以幹持財貨之事耳非謂籍田

令掌耕國廟社稷之田於周為甸師漢文帝初立籍田

乾隆十二年校刊

通鑑卷一百一十六 職官八

省宋文帝元
嘉中又置
○典農中郎將典農都尉典農校尉並曹
晉武帝太始二年罷農官為郡
縣後復有之隋煬帝罷典農官
勸農謁者梁武天監九年置視殿中
御史自馭粟以下
盡屬司農今並無

太府卿

丞

署

主簿

署

諸市署

署

平準署

署

左右藏

周官有太府下大夫掌貢賦之貳受其貨賄之入頒其
貨賄於受藏之府歷代不置然其職在司農少府至梁
天監七年置太府卿位視宗正掌金帛府帑及關津市
肆陳因之後魏太和中又改少府為太府卿兼有少卿
掌財物庫藏王顯謂楊固曰吾作太府卿庫藏充實固
曰減百官之祿及贓贖悉入京藏以此充
府未足為多且有聚
北齊曰太府寺亦有卿少卿各一
斂之臣寧有盜臣

人又兼掌造器物後周有太府中大夫掌貢賦貨賄以
供國用屬大冢宰隋初與北齊同所掌左右藏及尚方
司染甄官等署煬帝置少卿二人又分太府寺置少府
監管尚方織染等署而太府但管京都市及平準左右
藏大唐龍朔二年改太府為外府咸亨元年復舊光宅
元年改為司府神龍元年復舊卿一人少卿二人龍朔元年
置少卿二人分監兩都
領兩京諸市平準左右藏常平
事太極元年又加一人
等九署署各有令丞○丞於周官為太府上士之任自
後無聞梁太府丞一人陳因之後魏北齊各一人後周
曰太府上士隋又曰府丞大唐因之有四人○主簿亦

周官太府下士之任自後無聞梁置一人陳因之後魏亦然隋置四人大唐因之減一人○諸市署周官有司市下大夫掌市之理漢京兆尹屬官有長安市長丞後漢則河南尹屬官雒陽市長丞魏晉因之東晉則丹陽尹管之宋齊因之梁始隸太府陳因之後魏有京邑市令北齊則司州牧領東西市令丞後周司市下大夫隋初京市令丞屬司農煬帝改隸太府大唐因之每市令一人丞二人○平準署周官有貨人中士下士主平定物價秦置平準令漢因之掌知物價及主練染作彩色

趙廣漢州舉茂才爲平準令

後漢平準令丞隸大司農嘉平四年改

平準爲中準使宦者爲之列於內署自是諸署悉以闈人爲令丞魏少府屬官有平準令宋唯掌染順帝卽位以帝諱準故曰染署齊又曰平準屬少府梁陳則曰平水令丞北齊平準屬司農後周曰平準中士下士隋初如北齊煬帝改隸太府大唐因之令二人丞四人掌官市易○左右藏署周官有職幣上士中士掌邦財之幣又外府中士主泉藏有玉府掌王之金玉兵器之藏內府中士主貨賄藏在內也職內上士主泉貨所入蓋其任也漢少府屬官有中藏府令丞魏因之晉有左右藏令屬少府晉江東置御史掌庫曹後分庫曹曰外左庫

內左庫至宋省外左庫而內左庫直曰左庫齊梁陳曰右藏北齊曰左右藏令屬太府寺後周曰外府上士中士隋如北齊大唐因之置左藏署令三人掌庫藏錢布帛雜綵右藏署令二人掌銅鐵毛角玩弄之物金玉珠寶香畫綵色諸方貢獻雜物○常平署

漢宣帝時耿壽昌請於邊郡皆築倉穀賤時增價而糴貴時減價而糴名曰常平倉常平之名起於此也後漢明帝置常滿倉晉又曰常平倉自後無聞梁亦曰常平倉而不糴糴陳因之後魏太和中雖不名曰常平亦各令官司糴貯儉則出糴降曰常平倉大唐武德中置常平監官以均天下之貨市肆騰踊則減價而 outcomes 豐羨則增糴而收觸類長之後

省監置常平署令一人掌倉糧管鑰出納糴糶凡天下

倉廩和糴者為常平倉正租為正倉地子為義倉天寶八年

通計天下倉糧屯收并和糴等見數凡一億九千六百六萬二千二百二十石

祕書監丞祕書郎校書郎正字著作郎

周官太史掌建邦之六典又有外史掌四方之志三皇

五帝之書漢氏圖籍所在有石渠石室延閣廣內貯之

於外府又有御史中丞居殿中掌蘭臺祕書及麒麟天

祿二閣藏之於內禁後漢圖書在東觀桓帝延熹二年

始置祕書監一人掌典圖書古今文字考合同異屬太

常以其掌圖書祕記故曰祕書後省魏武帝又置祕書令典尚書奏

乾隆十二年校刊

通典卷三十一 職官八

九

事即中書令之任文帝黃初初乃置中書令典尚書奏事而祕

書改令為監掌藝文圖籍之事初屬少府後乃不屬王自

肅為監乃不屬其蘭臺亦藏書籍而御史掌之魏薛夏云蘭臺

內晉武帝以祕書併入中書省其祕書著作之局不廢

惠帝永平中復別置祕書監并統著作局掌三閣圖書

自是祕書之府始居於外其監銅印墨綬進賢兩梁冠

絳朝服佩水蒼玉華嶠為祕書監南省文章門下撰集

子世典史籍馬融博通三入東觀非臣庸賤所敢投跡

華譚為祕書監自負宿名意甚不快曰臣老矣將死祕

閣汲黯之言復存於今日上不悅溫嶠表曰國史之典

將明得失使一代之典煥然可觀今之祕書著作是也

宋與晉同梁曰祕書省任昉字彥昇為祕書監自齊永

元以來祕閣四部篇卷紛雜昉

手自讐校由陳因之後魏亦有之後周祕書監亦領著

是篇目定焉說在祕書丞注隋祕書省領著作太史二曹煬帝

作監掌國史說在祕書丞注隋祕書省領著作太史二曹煬帝

增置少監一人後又改監少監並為令大唐武德初復

改為監龍朔二年改祕書省為蘭臺改監為太史少監

為侍郎咸亨初復舊天授初改祕書省為麟臺神龍初

復舊掌經籍圖書監國史領著作太史二局太極元年

增祕書少監為二員通判省事其後國史太史分為別

曹而祕書省但主書寫勘校而已漢初御史中丞掌蘭

魏晉其制猶存故歷代管都邑置雖非要劇然好學君

府寺必以祕書省及御史臺為鄰魏徵後為祕書監奏引學者校定○丞魏

子亦求為之四部書自是祕府圖籍燦然畢備

乾隆十二年校刊

職官八

武帝置祕書令及丞一人典尚書奏事後文帝黃初中欲以何植為祕書丞而祕書先自有丞乃以植為祕書

右丞

文帝徵何植至為祕書郎月餘植因事帝令問外曰吾本用植為丞何故為郎按主者罪遂改為丞

時祕書舊丞尚未轉乃以植為右丞

其後遂有左右二丞劉放為左丞孫

資為右丞後省

魏薛夏字宣聲為祕書丞帝常與推論書傳呼之不名謂之薛君 晉復

置祕書丞銅印墨綬進賢一梁冠絳朝服

嵇紹司馬彪傳暢王謚等

並為

宋為黃綬餘與晉同齊梁尤重

齊王儉字仲寶為祕書丞上表求校

此官

墳籍依七略撰七志四十卷獻之梁劉孝綽除祕書丞武帝曰第一官當與第一人又張率字士簡吳郡人遷

祕書丞武帝曰祕書丞天下清官東南胄

陳隋印綬與

齊同歷代皆有

後周柳蚪為祕書丞時祕書雖領著大作不參史事因蚪為丞始命監掌焉 大

唐龍朔二年改為蘭臺大夫咸亨初復舊掌府事勾稽

省署抄目○祕書郎後漢馬融

字季長

為祕書郎詣東觀

典校書及魏武建國又置祕書郎嘗以劉邵為之出乘

鹿車

王肅表曰臣以為祕書職於三臺為近密中書郎在尚書丞郎上祕書丞郎宜次尚書郎下不然則

宜次

侍御史下祕書丞郎俱四百石遷宜比尚書郎出亦宜為郡此陛下崇儒術之盛有也尚書郎侍御史皆

乘輿

下轉臺郎以為祕書丞郎之本意也 晉祕書郎

掌中外三閣經書校閱脫誤進賢一梁冠絳朝服亦謂

之郎中武帝分祕書圖籍為甲乙丙丁四部使祕書郎

中四人各掌其一

左太冲為三都賦自以所見不博求為祕書郎中又鄭默字思元為祕書

郎

刪省舊文除其浮穢中書令虞松曰而今而 宋齊祕

後朱紫別矣鍾會左太冲劉隗等並為此官

職官八

十一

書郎皆四員尤為美職皆為甲族起家之選待次入補

其居職例十日便遷

宋王敬弘子恢之召為祕書郎敬弘求為奉朝請與恢之書曰祕書

日有限故有競朝請無限故無競吾欲使汝處無競之地文帝許之

梁亦然

張纘字伯緒為祕書郎固

求不遷欲徧觀閣內圖籍

自齊梁之末多以貴遊子弟為之無其才

實當時諺曰上車不落則著作體中何如則祕書

歷代皆有北齊又謂之郎中

隋除中字亦四員大唐亦四員分掌四部經籍圖書分

判校寫功程事龍朔中改為蘭臺郎咸亨初復舊開元

二十八年減一員○祕書校書郎漢之蘭臺及後漢東

觀皆藏書之室亦著述之所多當時文學之士使讐校

於其中故有校書之職

初漢成帝時已命光祿大夫劉向於天祿閣校經傳諸子詩賦

李柱國校方位後以諸大夫揚雄等亦典校於其中後

於蘭臺置令史十八人

秩百石屬御史中丞

又選他官入東觀皆

令典校祕書或撰述傳記

後漢明帝以班固為蘭臺令史撰光武本紀及諸傳記又

以傅毅為蘭臺令史與班固賈逵共典校書

蓋有校書之任而未為官也故

以郎居其任則謂之校書郎

明帝召班固詣校書部除蘭臺令史後遷為郎典校

祕書又劉珍與校書郎劉駒駘馬融校定東觀五經傳記百家藝術整齊脫誤定正文字又楊終字子山徵詣

以郎中居其任則謂之

校書郎中

後漢蔡邕拜郎中詣東觀典校祕書

當時重其

職故學者稱東觀為老氏藏室道家蓬萊山焉至魏始

置祕書校書郎晉宋以下無聞至後魏有祕書校書郎

乾隆十二年校刊

職官八

十一

北齊亦有校書郎後周有校書郎下士十二人屬春官之外史隋校書郎十二人煬帝初減二人尋更增為四十大唐置八人掌讐校典籍為文士起家之良選其弘文崇文館著作司經局並有校書之官皆為美職而祕書省為最○祕書正字後漢桓帝初置祕書監掌圖書古今文字考合同異其後監令掌圖籍之紀監述作之事不復專文字之任矣今之正字蓋令監之遺職校書之通制歷代無聞齊集書省有正書北齊祕書省有正字隋置四人大唐因之掌刊正文字其官資輕重與校書郎同貞元八年割校書四員○著作郎漢東京圖

書悉在東觀故使名儒碩學入直東觀撰述國史謂之

著作東觀皆以他官領焉蓋有著作之任而未為官員

也蘭臺令史班固傳教洛陽令陳崇長陵令尹魏明帝

太和中始置著作郎官隸中書省專掌國史衛凱字伯

尚書典著作晉元康二年詔曰著作舊屬中書令祕書既典

文籍宜改中書著作為祕書著作於是改隸祕書後別

自置省謂之著作而猶隸祕書著作郎一人謂之大著作

專掌史任李充字弘度為大著作於時典籍混亂充刪

以中書監孫盛以祕書監並領著作孫綽以散騎常侍

及陳壽並為大著作又應亨祖嘉讓著作表曰自司隸

校尉奉至臣父五代著進賢兩梁冠介憤絳朝服王隱

作不絕邦族以為美談職官八

乾隆十二年校刊

職官八

著作單衣介幘月朔詣於著作省亦其任也宋齊與晉同梁制一梁冠而無

印綬以上並魏氏又置佐著作郎亦屬中書晉佐著作

郎八人進賢一梁冠絳朝服祕書監自調補之太元四年詔祕

書無監使吏部選佐著作郎有監復舊又閻纂集云鄒

湛謂祕書監和嶠曰閻纂可佐著作嶠曰此職閑重勢

貴多爭不暇求才按此晉制佐著作郎始到職必撰名

臣傳一人宋初以國朝始建未有合撰者其制遂廢矣

宋齊以來遂遷佐於下謂之著作佐郎亦掌國史集注

起居梁初周捨袁子野皆以他官領其職官制與大著

作同陳氏為令僕子起家之選後魏有著作郎佐郎北

齊有著作郎佐郎各二人後周有著作上士二人中士

四人掌綴國錄屬春官之外史隋於祕書省置著作曹

著作郎二人佐郎八人煬帝加佐郎為十二人大唐為

著作局置著作郎二人佐郎四人開元二十六年減佐郎二員亦屬

祕書省自宋以後國史悉屬祕書龍朔二年改著作郎為司文郎中

佐郎為司文郎咸亨初復舊初著作郎掌修國史及製

碑頌之屬分判局事佐郎貳之徒有撰史之名而實無

其任其任盡在史館矣其屬官有校書郎二人後魏著

作省置校書郎北齊著作亦置校書郎二人隋亦同掌

讎校書籍若本局無書兼校本省典籍正字二人隋著作

置正字二人今減一作曹○太史局令昔少皞以鳥名官其鳳

乾隆十二年校刊

職官八

一四

鳥氏為歷正至顓頊命南正重以司天北正黎以司地
 唐虞之際羲氏和氏紹重黎之後代序天地夏有太史
 終古者當桀之暴知其將亡乃執其圖法而奔於殷殷
 太史高勢見紂之亂載其圖法出奔於周周官太史掌
 建邦之六典正歲年以序事頒告朔於邦國魯昭公二
 年晉韓宣
子聘魯觀書於太史氏見易象
 與魯春秋曰周禮盡在魯矣又有馮音憑相氏視天
 文之次序保章氏掌天文之變當周宣王時太史官失
 其守而為司馬氏司馬氏世典周史惠襄之間司馬氏
 滴晉周惠王襄王有子頹叔
 帶之難故司馬氏奔晉晉中軍隨會奔秦而司馬
 氏入梁晉太史屠黍見晉之
 亂以其圖法歸周秦為太史令胡毋敬之為
 太史令作博

章七 漢武置太史公以司馬談為之位 在丞相上 天下

計書先上太史副上丞相談卒其子遷嗣之遷死後宣

帝以其官為令行太史公文書而已贊曰百官表無太
 史公茂陵中書司

馬談以太史丞為太史令
 也張壽王亦為太史令後漢太史令掌天時星歷凡

歲將終奏新年歷凡國祭祀喪娶之事掌奏良日及時

節禁忌國有瑞應災異則掌記之張衡字平子為太史
 令造渾天儀鑄銅為

之獻帝時太史令王立曰前太白
 守天關與熒惑會金

火交會革命之象漢祚終矣晉魏
 必有興者後數言於

帝曰天命有去就五行不常盛伏
 火者土承漢者魏能

安天下者曹姓惟委任曹氏而已
 曹公聞之使人語立

曰知公忠於朝廷天
 道深遠幸勿多言秦漢以來太史之任蓋併周之太
 史馮相保章三職自漢晉宋齊並屬太常銅印墨綬進

賢一梁冠絳朝服梁陳亦同後魏北齊皆如晉宋隋曰
 太史曹置令丞各二人而屬祕書省煬帝又改曹為監
 有令大唐初改監為局置令龍朔二年改太史局為祕
 書閣改令為郎中丞為祕書閣郎咸亨初復舊初屬祕書省久
 視元年改為渾天監不隸麟臺改令為監置一人其年
 又改為渾儀監長安二年復為太史局又隸麟臺其監
 復為太史局令置二人景龍二年復改局為監而令各
 不易不隸祕書開元二年復改令為監改一員為少監
 十四年復為太史局置令二人復隸祕書後又改局為
 監乾元元年又改其局為司天臺掌天文歷數風雲氣色有異則密封以奏其次小吏有司歷保章正靈臺

郎擊壺正等官各有差 ○丞二人司馬虓續漢志云太史有丞一

人魏以下歷代皆同隋置二人煬帝減一人大唐初不
 置丞久視初改為渾儀監始置丞二人長安二年又省
 景龍二年復置初儀鳳四年五月太常博士檢校太史
 姚元辯奏於陽城測影臺依古立八尺表夏至日中測
 影有尺五寸正與古法同調露元年十一月於陽城立
 表冬至日中測影得丈二尺七寸開元十二年四月命
 太史監南宮說及太史官大相元太等馳傳往安南朗
 蔡蔚等州測候日影迴日奏聞數年伺候及還京僧一
 行一時校之安南景北極高二十一度六分冬至日影

乾隆十二年校刊

通典卷二十六 職官八

一六

七尺九寸四分春秋二分影二尺九寸三分夏至影在表南三寸三分測影使者大相元太云交州望極纔出地二十餘度以八月自海中望老人

星殊高老人星下衆星粲然其明大者甚衆圖所不載莫辨其名大率去南極二十度以上其星皆見乃自古渾天家以爲常沒地蔚州橫野軍北極高四十度冬至中伏而不見之所也

影丈五尺八寸九分春秋二分影六尺二分夏至影在表北二尺二寸九分此二所爲中土南北之極其朗襄

蔡許河南府汴滑太原等州各有使往並差不同一行以南北日影校量用勾股法筭之云大約南北極相去

纔八萬餘里其諸州測影尺寸如左林邑國北極高十七度冬至影在表北六尺九寸定春秋分影在表北二尺六寸五分夏至影在表南五寸七分安南

都護府北極高二十一度六分冬至影在表北七尺九寸四分定春秋分影在表北二尺九寸三分夏至影在表南三寸二分朗州北陵北極高二十九度五分

分冬至影在表北丈五寸三分定春秋分影在表北四尺四寸七分夏至影在表北七寸七分襄州恒春分影在表北四尺四寸蔡州武津館北極高三十三度八分

影在表北丈二尺三寸八分定春秋分影在表北五尺二寸八分夏至影在表北三尺六分許州扶溝北極高三十四度三分冬至影在表北丈二尺五寸五分定春秋分影在表北五尺三寸七分

河南府告成北極高三十四度七分冬至影在表北四寸四分州浚儀太嶽臺北極高三十四度八分冬至影在表北丈二尺八寸五分

分冬至影在表北丈三寸七分滑州白馬北極高三十分定春秋分影在表北五尺五寸三分

乾隆十二年校刊
通典卷三十六 職官八
十七

五度三分冬至影在表北丈三尺定春秋分影在表北

太原府恒春分影在表北六尺蔚州橫野軍北極高四十度冬至影在表北

表北丈五尺八寸九分定春秋分影在表北六尺六寸二分夏至影在表北二尺二寸九分

殿中監丞 尚食 尚藥 尚衣 尚舍 尚乘 尚輦等局 奉御 直長

魏置殿中監官晉宋並同齊有內外殿中監各八人梁

陳因之其資品極下後魏亦置殿中監北齊有殿中局

置監四人屬門下省掌駕前奉引隋改為殿內局置監

二人大業三年分門下太僕三司取殿內監名以為殿

內省有監少監丞各一人掌諸供奉領尚食尚藥尚衣

尚食即 舊御府 尚舍 中局 即舊殿 尚乘 領左右六 尚輦等六局 漢儀注曰

省中有五尚即尚食尚冠尚衣尚沐尚席尚書若今殿中之任

每局各置奉御二人以總之置直長以貳之屬門下省

大唐改為殿中省仍又加置少監二人丞亦二人其官

局職任一如隋制為一司不屬門下龍朔二年改殿中

省為中御府改監為中御大監少監改丞為中御大夫

改尚食為奉膳尚藥為奉醫尚衣為奉冕尚舍為奉展尚乘為奉駕尚輦為奉輦凡奉御皆改為大夫 咸

亨初復舊○丞隋置一人大唐加一人○尚食局奉御

始秦置六尚有尚食焉如淳曰謂掌天子之物曰尚後漢以後并其

職於太官湯官北齊門下省又有尚食局置典御二人

後周有內膳上士中士凡進食先嘗之隋分屬殿內改



典御爲奉御有二人大唐因之龍朔二年改爲奉膳大夫咸亨初復舊直長隋置六人大唐因之減置五人○尚藥局奉御白梁陳以後皆太醫兼其職北齊門下省有典御二人隋如北齊之制後改爲奉御而屬殿內大唐因之龍朔二年改爲奉醫大夫咸亨初復舊直長隋置四人大唐因之○尚衣局奉御周官有司服中士掌王之服辨其名物戰國有尚衣尚冠之職秦漢有御府令丞掌供御服而屬少府後漢又掌宦者典官婢作中衣服魏因之晉屬光祿勳江東省宋大明中改尚方曰左右御府各置令丞一人後廢帝初省御府置中署隸右尚方其後又置初宋氏用三品勳位明帝改用二品淮南臺御史掌金銀綵帛凡諸造作以供奉及妃主六宮梁陳其職隸在尚方後魏有掌服郎北齊門下省統主衣局都統子統各二人後周有司服上士二人中士二人隋分屬殿內省其後又改爲尚衣局置奉御二人大唐因之龍朔二年改爲奉冕大夫咸亨元年復舊直長隋置八人大唐因之減二人○尚舍局奉御周禮有掌舍掌行所解止之處帷幕幄帟之事漢少府屬官有守宮令丞掌宮殿陳設魏殿中監掌帳設監護之事晉宋以下其職並在殿中監隋煬帝置殿內監改殿內局

為尚舍局置奉御二人大唐因之龍朔二年改為奉展

大夫咸亨元年復舊直長隋置八人大唐因之而減二

人○尚乘局奉御自秦漢以來其職皆在太僕北齊太

僕驛驪署有奉御十人管十二閑馬隋煬帝取之置尚

乘局署奉御二人大唐因之增置奉御四人龍朔二年

改為奉駕大夫咸亨元年復舊尚乘奉御掌六閑馬一

三日龍媒閑四日駒駉閑五日馱馱閑六日天苑閑開元中減二人先是別置廐

使因隸焉猶屬殿中武太后萬歲通天二年五月置仗

聖歷二年改為少監閑廐使自後他官相循為之直長隋置十四人大唐減四

人○尚輦奉御周官小司徒中大夫掌六畜車輦又宗

伯中車下大夫掌王后之五輅輦車組輓有翼羽蓋古謂

人牽為輦春秋宋萬以乘車輦其母秦始皇乃去其輪

而輿之漢代遂為人君之乘後漢有乘輿六輦魏晉小

出則乘之及過江左孝武太元年中謝安率意而作及

破苻堅得之形制無差大小如一時人歎其默識宋武

帝造大小二輦輿雕飾甚工不下檣轅輓悉金花銀獸

梁大輦中方八尺左右開視金漢魏晉並太僕屬官車

府令掌之東晉省太僕遂隸尚書駕部宋齊梁陳車府

乘黃令丞掌之後魏北齊則乘黃車府令丞掌之後周

則司車輅主之隋又乘黃車府令丞掌之煬帝置殿內

省尚輦局奉御二人大唐因之龍朔二年改為奉輦大

夫咸亨元年復舊直長四人隋置大唐因之

通典卷第二十六

通典卷第二十七

唐 京 兆 杜 佑 君 卿 纂

職官九

諸卿下

內侍省 內侍 內常侍 內給事 內謁者監
內寺伯 掖庭局 宮闈局 奚官局
內僕局 內府局

天文有宦者四星在帝座之西周官有宮正宮伯 皆主
中官 宮人 掌王之 內宰 理王之政令 閹人 掌守 寺人
之長 六寢 戰國時有宦者令 趙有宦者 秦少府屬官有
掌王之內 及女官 中書謁者令丞又有將行衛尉少府各一人 並皇 漢景

此卷十二年校刊

職官九

帝中元六年改將行爲大長秋顏師古曰秋者收成之時長者恒久之義故以

爲皇后或用中人或用士人中人成帝加置太僕一人

掌太后輿馬通謂之皇太后卿皆隨太后宮爲官號在

正卿上無太后則闕衛尉在衛尉上少府又有長信詹

事掌皇太后宮景帝六年更名長信少府平帝元年更

名長樂少府帝祖母稱長信宮帝母稱長樂宮故有長

信少府長樂少府職如長秋位在長秋上及職吏皆宦

者也後漢常用宦者職掌奉宣中宮命凡給賜族親當

謁見者關通之中宮出則從屬官有丞中宮僕謁者私

府署令初秦又置中常侍官參用士人皆銀璫左貂給

事殿省漢制置侍中中常侍各一人省尚書事黃門侍

郎一人傳發書奏皆用姓族後漢中常侍贊導內事顧

問應對永平中始定員數中常侍四人漢舊儀曰秩千石得出入卧內

舉法省中省中即禁中也成帝外小黃門十人自明帝

以後員數稍增改以金璫右貂兼領卿署之職白和熹

太后以女主稱制不接公卿乃以閹人爲常侍小黃門

通命兩宮自此以來悉用閹人不調他士自安迄桓權

任尤重手握王爵口含天憲桓帝既與宦官謀誅梁冀

乃封宦者五人單超徐璜具瑗同日爲侯皆食邑故世

號五侯焉宦者鄭衆字季產事和帝一心王室每策勳班賞辭多受少由是常與議事中官用權自

乾隆十二年校刊

衆始也又明帝時中常侍蔡倫數犯顏匡弼又宦者曹騰歷常有過其所進達皆海內名人又有宦者奇音良帝未嘗有過其所以勸俗也楊秉爲太尉奏請免中常侍賀等皆清儉足以勸俗也揚秉爲太尉奏請免中常侍侯覽貝瑗等官尚書召對秉掾屬曰春秋趙鞅以晉陽之官經典漢制有故事否秉使對曰春秋趙鞅以晉陽之甲逐君側之惡又傳曰除君之惡惟力是視鄧通戲慢中屠嘉召責文帝許之漢制故事三公之職無所不統帝不得已遂免及袁紹大誅宦者之後永巷掖庭復用覽官削瑗國

士人闔闈出入莫有禁切侍中侍郎門部驩宰中外雜錯醜聲彰聞魏改漢制太后三卿在九卿下晉復舊在同號卿上有后則置無后則闕齊鬱林王立文安太后卽尊號以宮名置宣德衛尉少府太僕梁有弘訓太后亦置屬官陳亦有太后三卿後魏大長秋掌顧問應對

自文明馮后闈宦用事大者令僕小者卿守宦者趙黑爲選曹尚

書北齊有中侍中省置中侍中二人中常侍四人掌出

入門閣又有長秋寺置卿中尹各一人掌諸宮閣領掖

庭等令並用宦者後周有司內上士小司內中士巷伯

中士等官隋曰內侍省領內侍內常侍等官內侍卽舊長秋內常

侍卽舊中常侍煬帝改內侍省爲長秋監置令一人少令一人

丞二人並用士人餘用宦者領掖庭宮闈奚官三署亦

參用士人大唐武德初改爲內侍省皆用宦者龍朔二

年改爲內侍監咸亨元年復舊光宅元年改爲司宮臺

神龍元年復舊有內侍四人掌知宮內供奉中宮駕出則夾引總判局事舊二人



開元中加二人七年三月勅內侍五品以上許養一子仍以同姓者初養日不得過十歲○內常侍

六人通判屬官有內給事八人內謁者監六人內寺伯

二人寺人六人領掖庭宮闈奚官內僕內府等五局神龍

元年以後始以中使出監諸軍兵馬寶應元年五月勅諸道州所承上命須憑正勅可施行不得懸便信中使

宣勅即內給事周禮內小臣之職掌王后之命后出

入前驅後漢少府有給事黃門常侍左右止在內宮門

通中外及中宮以下眾事自魏晉至於梁陳無其職後

魏有中給事中後改為中給事北齊中侍中省有中給

事中四人煬帝改為內承直大唐復為內給事置八人

○內謁者後漢大長秋屬官有中宮謁者二人主報中

章後魏北齊有中謁者僕射隋內侍省有內謁者監六

人內謁者十二人唐因之○內寺伯周禮寺人掌王

之內人及女宮之戒令隋內侍省有內寺伯二人大唐

因之○掖庭局令秦置永巷漢武更名掖庭置令掌宮

人簿帳公桑養蠶及女工等事後漢掖庭令掌後宮貴

人采女又有永巷令典官婢皆宦者並屬少府大唐置

二人○宮闈局令二人隋置令掌宮內門閣之禁及出

納神主并內給使名帳糧廩事大唐因之○奚官局令

二人齊梁陳隋有奚官署令掌守宮人使藥疾病罪罰

喪葬等事大唐置二人○內僕局令二人後漢有中宮

乾隆十二年校刊

通鑑卷二十七 職官九

僕令掌車輿雜畜及導等大唐置二人○內府局令二人漢有內者局令隋曰內者大唐爲內府置令二人堂內庫出納帳設澡沐等

少府監少監丞主簿中尚左尚右尚織

少府秦官漢因之是爲九卿掌山海池澤之稅以給供

養應劭曰山海池澤之稅名曰禁錢以給私養自別爲

用少府以養天子也故稱少府顏師古曰大司農供軍國之

後漢少府卿一人掌中服御之諸物衣服寶貨珍膳之

屬朝賀則給璧後漢東平王蒼爲驃騎正月朔朝蒼當

簿持璧乃往給曰試請觀之既得而馳奉之就復以他

璧朝給音徒收反凡中書謁者尚書令僕侍中常侍黃門御史

中丞以下皆屬焉孔融字文舉以將晉制銀章青綬五

時朝服進賢兩梁冠絳朝服佩水蒼玉哀帝末省并丹

陽尹孝武復置宋少府領左右尚方御府東冶南冶平

準等令丞齊又加領左右銀鍍署梁少府爲夏卿位視

尚書左右丞陳因之後魏少府謂之六卿以少府宗正

爲六卿農鴻臚至孝文太和中易制官品遂改少府爲太府北

齊無少府其尚方等署皆隸太府至隋煬帝大業五年

又分太府爲少府監置監及少監復領尚方織染等署

後又改監少監並爲令大唐武德初置軍器監廢少府

監貞觀元年五月分太府中尚方織染坊掌冶坊署置少府監龍朔二年改為內府監咸亨元年復舊光宅元

年改為尚方監神龍元年復舊監一人總判少監二人通判

初少監一人太領中尚左尚右尚織染掌冶等五署開元

十年五月於北都置軍器監至二十六年五月廢○丞漢有六人後漢省五而

有一丞其後歷代皆一人山公啓事曰中郎衛昱大唐

置四人○主簿晉置二人自後歷代一人大唐有二人

○中尚署周官為玉府秦置尚方令漢因之後漢掌上

手工作御刀劍玩好器物及寶玉作器宦者蔡倫為尚

及諸器械莫不精兩漢又有考工令主作兵器其職稍

同考工令作兵器器成則傳執全吾入武庫及主漢

末分尚方為中左右三尚方魏晉因之自過江唯置一

尚方哀帝以隸丹陽尹宋武帝踐祚以相府作部配臺

謂之左尚方而本署謂之右尚方並掌造軍器又以相

府細作配臺即其名置令一人隸門下孝武大明中改

曰御府御府二漢已有之典官婢作藝衣服補後廢帝

初省御府置中署隸右尚方則漢之考工令如宋之尚

方令尚方令如宋中署矣齊置左右尚方令各一人梁

有中左右尚方北齊亦有三尚方隸太府隋煬帝分隸

少府大唐省方字有中左右三尚署令丞各一人中署

乾隆十二年校刊

職官九

內營造雜作左署掌車輦織扇膠漆畫鏤等作右署掌皮毛膠墨雜作席薦等事開元以後別置中尚使以監之
○織染署令一人周禮天官典絲掌受文織綵組焉

染人掌染線帛秦置平準令韋昭釋名曰平準令主染色染有均平之法故準而則漢因之及主物價練染初少府屬官有東織西織成

帝省東織更名西織為織室北齊中尚方領涇州雍州絲局定州紬綾局丞後周有司織下大夫隋有司織司

染二署煬帝合為織染一署令掌織紅組綬綾錦冠幘并染色等大唐因之有令丞○掌冶署秦及漢郡國有

鐵官諸郡國出鐵者置鐵官長丞晉冶令掌工徒鼓鑄隸衛尉江左以來省衛尉始隸少府宋有東冶南冶各置令丞東冶令丞

各一人南冶令丞各一人而屬少府齊因之江南諸郡縣有鐵者或置冶令或置冶丞多是吳所置梁陳有東西冶東冶重西冶輕

其西冶即宋齊之南冶北齊諸冶屬太府後周有冶工鐵工中士隋有掌冶署令丞大唐於京師置冶署有令丞各一人

掌造鑄金銀銅鐵塗飾琉璃玉作等事○暴室丞後漢暴室丞

丞宦者也主中府人疾病者就此室理之其海丞漢平少府海丞人果丞與海丞同置掌掌海稅後無

將作監丞主簿中校署東園主章令右校署甄官署今將作亦少皞氏以五雉為五工正以利器用雉有五種故曰

五唐虞共工周官考工之官蓋其職也秦有將作少府雉有五種故曰

乾隆十一年校刊

職官九

掌治宮室漢景帝中元六年更名將作大匠後漢位次
河南尹中元二年省以謁者領之章帝建初元年復置
初以任隗爲之掌修作宗廟路寢宮室陵園木土之功
并樹桐梓之類列於道側後漢志注曰古者列樹以表
道續漢書曰李固字子堅遷
大匠常推賢貢士孔融魏晉因之江左至宋齊皆有事
以將作大匠遷少府
則置無事則省而梁改爲大匠卿陳因之後魏亦有之
北齊有將作寺其官曰大匠兼領功曹主簿長
史司馬等官屬後周有
匠師中大夫掌城郭宮室之制又有司木中大夫掌木
工之政令隋與北齊同至開皇二十年改寺爲監大匠
爲大監初加置副監煬帝改大監少監爲大匠少匠五

年又改爲大監少監十三年又改大令少令大唐復皆
爲匠龍朔二年改將作爲繕工監大匠少匠
隨監名改咸亨元年
復舊光宅元年改爲營繕監神龍元年復舊大匠一人
總判少匠二人
通判初一人太極
元年加置一人天寶中改大匠爲大監
少匠爲少監領左校右校甄官中校四署○丞漢有二
人後漢一人魏晉因之東晉以後有事則置無事則省
梁又置一人陳因之後魏有之北齊四人後周曰匠師
中士隋二人大唐四人○主簿晉置自後與丞同隋二
人大唐因之○左右校署秦及漢初有左右前後中五
校令後唯置左右校令後漢因之掌左右工徒後漢度
尚自右

乾隆十二年校刊

通鑑卷二十七 職官九

校令擢拜荆州刺史魏併左校右校於材官晉左右校屬少府宋

以後並有左校令丞北齊亦有之隋左右校令丞屬將

作大唐因之○左校署令丞二人掌營構木作右校署

令丞二人掌營土作瓦泥并甄官署令丞一人後漢有

前後中甄官令屬將作晉有甄官署掌磚瓦之事宋齊

北齊隋悉有之大唐因之掌營磚石瓷瓦○中校署令

秦漢有自後無大唐置令丞各一人掌舟車雜兵仗廐

牧○東園主章令漢有之武帝更名木下如淳曰章謂

椽顏師古曰今所謂木鍾者蓋聲之轉耳東園主章掌

材以供東園匠東園匠官名主作陵內器物屬少府

大唐無

國子監祭酒 司業 丞 主簿 國子博士
學助教 太學 廣文 四門 律學 書
算學等博士

孫卿在齊為三老稱祭酒胡廣曰凡官名祭酒皆一位

老者一人舉酒以祭地故以祭酒為稱漢之侍中魏之

散騎常侍功高者並為祭酒用其義也公府有祭酒亦

因其名漢吳王濞年老不朝為劉氏祭酒則祭酒之名久

矣王莽以安車駟馬迎夏侯勝又漢置博士至東京凡

十四人而聰明有威重者一人為祭酒謂之博士祭酒

蓋本曰僕射中興轉為祭酒昭帝增博士弟子員滿百

詔能通一經者皆復數年郡國置五經百石卒史成帝

未增弟子員三千人平帝時王莽增元士之子得受業

如弟子勿以為員歲課甲科四十人為郎中乙科二十

人為太子舍人丙科四十八補文學掌故後漢安帝薄

乾隆十二年校刊

職官九

九

於藝文博士倚席不講學舍頽弊鞠為園蔬牧兒芻豎
至於薪刈其下順帝感翟醜之言乃更脩黌宇凡所構
二百四十房千八百五十室試明經下第補弟子魏因
增甲乙之科員各十人餘郡國諸儒皆補郎舍人
之晉武帝咸寧四年初立國子學置國子祭酒一人
嘉中又置儒林祭酒以杜夷為之國子周之舊名周官有師氏之職即魏
國子祭酒周禮師氏以三德三行教國子又有保氏而養國子以道教之六藝也晉介憤
皐朝服進賢兩梁冠佩水蒼玉舊視侍中列曹尚書劉毅
皐紹並為此官又袁瓌字山甫為國子祭酒時屢經喪亂禮教陵遲瓌上疏求立學徒帝從之國學之興自瓌始也又裴頠為祭酒奏立太學起講堂築門刻石寫五經也宋代不置學則助教唯置一人而祭酒博士常置也明帝太始六年以國學廢初置總明觀祭酒一人有元儒文史四科科置學士各

十人齊高帝建元四年有司奏置國學祭酒准諸曹尚書博士准中書郎助教准南臺御史選經學為先若其人難備給事中以還明經者以本位領其後國諱廢學永明三年立學尚書令王儉領祭酒學既建乃省總明觀八年國子博士何允單為祭酒疑所服陸澄等皆不能據遂以元服臨試月餘日博議定乃服朱衣齊梁號為國師梁王承字安期為國子祭酒承祖父陳並居此職三代為國師前代未有當時以為榮陳音簡陳後魏亦曰國子祭酒其初定中原先立太學置五經博士北齊國子寺有祭酒一人隋開皇十三年國子寺罷隸太常凡國學諸官自漢以下並屬太常至隋始革之又改寺為學仁壽

乾隆十二年校刊
職官九

元年罷國子學唯立太學一所省國子祭酒博士置太
學博士總知學事煬帝即位改國子學爲國子監依舊
置祭酒大唐因之龍朔元年東都亦置龍朔二年改爲司成館又
改祭酒爲大司成咸亨初復舊光宅元年改國子監爲
成均監神龍元年復舊領國子學學生三百人太學學生五百人
四門學生五百人律學學生五十人書學學生三十人算學學生三十人
人凡六學生徒二千二百一十人每學各置博士以總
學事及有助教等員天寶九載又於國子監置廣文館
領學生爲進士業者置博士置祭酒一人掌監學之政
助教各一人品秩與太學同皇太子受業則執經講說以儒學優重者爲之天寶九
載置廣文館學生進士○國子司業煬帝大業三年於

國子監初置司業一人禮曰樂正司業父師司成因以
爲名大唐置二人副貳祭酒通判監事龍朔二年改爲
少司成咸亨初復舊凡祭酒司業皆儒重之官非其人
不居○丞隋置三人大唐一人○主簿北齊置隋一人
大唐因之○國子博士班固云按六國時往往有博士
掌通古今又曰博士秦官漢因之漢博士多至數十人冠兩梁文帝
時博士朝服元端章甫冠武帝建元五年初置五經博士宣帝成帝
之代五經家法稍增置博士一人博士選有三科高第
爲尚書次爲刺史其不通政事以久次補諸侯太傅於
時孔光爲博士數使錄冤獄行風俗以高第爲尚書叔孫

通為博士初制漢禮又賈誼年二十餘文帝召為博士
年最少每有詔議下諸老生未能言誼盡為對之人人
各如其意又元鼎中徐偃為博士使行風俗偃矯制使
膠東魯國鼓鑄鹽鐵還奏事張湯劾偃以矯制法至死
偃以春秋之義大夫出疆有可以安社稷利萬人專之
可也湯不能詘又公孫弘董仲舒朱雲匡衡疏廣韋賢
張禹並後漢博士凡十四人易施孟梁邱京氏尚書歐
氏禮大小戴春秋嚴顏各一博士華嶠漢書曰初欲立左
氏傳博士范升以為左氏淺末不宜立陳元聞之乃詣
闕上疏爭之更相辯對凡十餘上皇帝卒立左氏學
掌以五經教子弟國有疑事
掌丞問對舊時從議郎為博士其通敝異藝入平尚書
出部刺史諸侯守相久次轉諫議大夫中興高第為侍
中小郡若都尉博士限年五十其督郵板狀曰生事愛
敬喪沒如禮理易尚書
孝經論語兼崇載籍窮微闡奧師事某官經明受謝見
授門徒尚五十人以上正席謝坐三郡二人隱居樂道

不求聞達身無金瘻痲疾三十六屬不與妖惡交通王
侯賞賜行應四科經任博士下言某官某甲保舉順帝
諱保故 安帝以博士多非其人詔命三公將軍中二千
石舉博士各一人務得經明行高卓爾茂異是時羣僚
承風凡所旌賞綽有餘裕後旋復故遂用陵遲初平帝
元始四年改博士為博士師後漢兼而存之並擇儒者
恒榮魯恭戴憑 魏及西晉朝博士置十九人魏樂祥字
文載拜博
等並為博士初立有博士十餘人其學多
不於時太學初立有博士十餘人其學多
不於時太學初立有博士十餘人其學多武帝咸寧四
年初立國子學置國子博士一人皆取履行精淳通明
典義若散騎常侍中書侍郎太子中庶子以上乃得召
試元帝時荀崧上疏曰昔咸寧太康永嘉之中侍中
常侍黃門通洽古今行為世表者領國子博士宋

乾隆十二年校刊

職官九

十二

齊諸博士皆阜朝服進賢兩梁冠佩水蒼玉梁國學有

博士二人天監四年置五經博士各一人魏晉宋齊並不置五經博

士至此始置焉舊國子學生限以貴賤武帝欲招來後進五館

生皆引寒門雋才不限人數陳因之後魏北齊並有之

後魏崔逸為國子博士每公事逸常被詔獨進博士特令自逸始也隋仁壽元年省國子

博士大業三年復置一人大唐增置二人龍朔二年改

為司成宣業咸亨初復舊諸州府亦有經學博士一人

○助教晉咸寧四年初立國子學置助教十五人以教

生徒江左及宋並十人宋制易尚書七詩禮記周禮儀禮左傳公羊穀梁各為一經論

語孝經為一經合宋齊並同梁國子助教舊視南臺御

史品服與博士同陳因之後魏亦有北齊置十人隋置

四人大唐國子學助教三人諸府州縣各有助教員州府

二人縣一人○太學博士晉江左增置國子博士十六

人謂之太學博士品服同國子博士梁置太學博士八

人陳因之後魏亦然北齊國子寺有太學博士十人後

周置太學博士下大夫六人隋初置太學博士五人仁

壽元年罷國子唯立太學置博士五人大業三年減置

二人大唐因之助教後魏置北齊亦有之置二十人後

周日太學助教上士隋又曰太學助教五人大業三年

減三人大唐因之○廣文館博士一人助教一人並以

文士爲之大唐天寶九載置○四門博士後魏書劉芳表云大和二十年立四門博士於四門置學按禮記曰天子設四學鄭元注曰四郊之虞庠也今以其遼遠故置於四門請移與太學同處從之北齊二十人隋五人大唐三人助教北齊國子寺有二十人隋初則五人大唐因之直講四人大唐初置無員數長安四年始定爲四員大成二十人大唐置取貢舉及第人簡聰明者試書日誦得一千言并日試策所習業等十條通七然後補充仍散官祿俸賜會同直官例給武太后長安中省而置直講定爲四員○律學博士晉置屬廷尉衛觀奏

請律學博士轉相教授東晉以下因之梁曰胄子律博士屬廷尉陳亦有律博士後魏北齊並有之隋大理寺官屬有律博士八人大唐因之而置一人移屬國學助教一人從九品上○書學博士大唐置三人又置典學二人貞觀六年正月命整治神府古今工書鍾王等真跡少後無人可與論書徵曰褚遂良下筆適勁甚得王蹟天下爭賈古書請闕以獻當時莫能辨其真偽遂良備論所出無舛誤武太后神功元年謂鳳閣侍郎王方慶曰卿家多書合有右軍遺跡對曰臣十代再從伯祖義之書先有四十餘紙往貞觀十二年太宗購求先並以進訖臣十一代祖導十代祖洽九代祖珣八代祖曇首七代祖曾綽六代祖仲寶五代祖騫高祖規曾祖褒并九代祖三從伯祖晉中書令獻之以下二十八人書共十卷今進上太后御武成殿示羣臣仍命中書舍人乾隆十二年校刊

通典卷二十七 職官九

崔融為寶章集以叙其事
復賜方慶當時以為榮
○算學博士二人典學二人

軍器監 丞 主簿 甲坊署 弩坊署

後周武帝四年初置軍器監大唐武德初置軍器監貞
觀元年罷軍器大監置少監後省之以其地隸少府監
為甲弩坊開元初復以其地置軍器使至三年以使為
監更置少監一員丞二員主簿一員錄事一員及弩坊
等署十一年悉罷之復隸少府為甲弩坊十六年移其
名於北都置軍器監亦嘗以太原尹兼領天寶六載復於舊所置
軍器監監一人領甲坊弩坊兩署○丞主簿各一人大
唐置○甲坊署令丞周禮考工記曰函人為甲隋少府

有甲鎧署大唐改焉○弩坊署令丞周禮司弓矢掌四
弩隋有弓弩署大唐改焉

都水使者 丞 主簿 舟楫署 河渠署

虞舜命益作虞以掌山澤周官有林衡川衡二官掌林

麓川澤之禁漢武帝元鼎二年初置水衡都尉顏師古

之官曰衡掌諸池苑故稱水衡張晏曰主都水及林苑
故曰水衡主諸官故曰都有卒徒武事故曰尉衡平也
主平其稅也掌上林苑漢趙充國以中郎為
水衡都尉主船官也蓋主上林離宮

燕休之處王莽改曰予虞後漢光武省之并其職於少府每立

秋驅劉之日輒暫置水衡都尉驅劉將祭大獵之名驅勅俱反事訖省

初秦漢又有都水長丞主陂池灌溉保守河渠自太常



少府及三輔等皆有其官漢武帝以都水官多乃置左

右使者以領之劉向為左都水使者是也又續漢百官志曰劉向領三輔都水至漢哀

帝省使者官至東京凡都水皆罷之併置河隄謁者漢

之水衡都尉本主上林苑魏世主天下水軍舟船器械

晉武帝省水衡置都水臺有使者一人掌舟航及運部

而河隄為都水官屬元康中復有水衡都尉元康百官名及晉起

居注曰陳慎戴熊俱以懷帝永嘉六年胡賊入洛陽都

水使者奚濬先出督運得免江左省河隄諸公贊曰陳

巧思為都水使者洛陽宋都水使者銅印墨綬進賢兩

梁冠與御史中丞同孝武帝初省都水臺罷都水使者

置水衡令孝建元年復置齊有都水臺使者一人梁初

與齊同天監七年改都水使者為大舟卿位視中書郎

列卿之最末者主舟航河隄陳因之後魏初皆有水衡

都尉及河隄謁者都水使者官至永平二年郃水臺依

舊置二使者北齊亦置二使者隋開皇二年廢都水臺

入司農十三年復置仁壽元年改臺為監更名使者亦

為監煬帝又改為使者尋又為監加置少監又改監及

少監並為令領舟楫河渠二署大唐武德八年置都水

臺後復為都水署置令隸將作貞觀中復為都水監置

使者龍朔二年改都水使者為司津監丞咸亨元年復

乾隆十二年校刊

職官九

十六

舊光宅元年改都水監爲水衡置都尉神龍元年復爲
都水監置使者二人分總其事不屬將作領舟楫河渠
二署○丞漢有水衡丞五人亦有都水丞後漢晉初都
水使者有叅軍二人蓋亦丞之職任宋因之梁大舟卿
有丞陳因之後魏北齊又曰叅軍隋曰都水丞大唐二
人○主簿晉水衡都尉有之爲左右前後中五水衡令
悉皆有之梁大舟卿亦有之至隋又置大唐因之○舟
楫署令漢主爵中尉屬官有都船令丞水衡都尉有楫
權令丞晉曰船曹吏齊曰官船典軍後周曰舟中士隋
爲舟楫署令丞大唐因之令丞各一人○河渠署隋煬
帝置令丞各一人大唐因之

通典卷第二十七

通典卷第二十八

唐 京 兆 杜 佑 君 卿 纂

職官十

武官上

將軍總敘

三代之制天子六軍其將皆命卿一萬二千五百人為軍故夏書

曰大戰於甘乃召六卿蓋古之天子寄軍政於六卿居

則以田警則以戰所謂入使理之出使長之之義其職

在國則以比長閭胥族師黨正州長鄉大夫為稱其在

軍則以卒伍司馬將軍為號所以異軍國之名諸侯之

乾隆十二年校刊

通典卷二十八 職官十

制大國三軍次國二軍小國一軍其將亦命卿也晉獻

公初作二軍公將上軍則將軍之名起於此也魏獻子

衛文子並居將軍之號左傳曰晉閻沒女寬謂魏獻子

獻子為中軍率故謂之將軍又禮記曰將軍文子之喪

既除而後越人來弔又家語曰衛將軍文子問於子貢

是也文子為衛自戰國置大將軍周末又置前後左右

將軍至秦將軍之言多矣漢興置大將軍驃騎將軍位

次丞相車騎將軍衛將軍左右前後將軍皆金印紫綬

位次上卿後漢志曰漢將軍比公者四掌京師兵衛四

夷屯警孝武征閩越東甌又有伏波樓船及伐朝鮮大

宛復置橫海度遼貳師宣帝增以蒲類破羌權時之制

若此非一亦不常設光武中興諸將軍皆稱大及天下

已定武官悉省後漢志曰其前後雜號將四征興於漢

代四安起於魏初四鎮通於柔遠鎮東西南並後漢四

平止於喪亂魏置晉武帝重兵官故軍校多選朝廷清重

之士居之置中軍將軍以統宿衛七軍及五王作難東

海王越以頃興事皆由殿省乃奏宿衛有笑爵者皆罷

之時殿中武官並封侯由是出者畧盡皆涕泣而去乃

以東海國官領左右衛以國兵宿衛晉宋以來以領軍

護軍左右二衛驍騎游擊將軍謂之六軍宋輿服志曰

將軍及諸將軍加大者皆金章紫綬武冠其四安四平

乾隆十二年校刊

職官十

左右前後征虜等將軍及四中郎將晉代荀羨王胡之
竝居此官宋齊以來唯處諸王素族無為者齊以二衛

左四軍謂之四軍也 五校即漢之 驍騎游擊積射強

弩殿中員外殿中武衛七將軍殿中司馬左右及虎賁

之中郎將冗從僕射宋志曰冗從僕射漢東京有中黃

名而置冗從僕射職官要錄曰本期門之職漢桓 羽林

帝時置冗從僕射掌諸散從其射事則主帥之

監武騎常侍謂之西省而散騎為東省梁武帝以將軍

之名高下舛雜命更加釐定於是有司奏置一百二十

五號將軍以鎮衛驃騎車騎為二十四班內列四征四

中為二十三班四中謂軍 八鎮為二十二班東西南北

衛撫權 八安為二十一班東西南北 四平四翊為二十班四平

南 北四翊左 右前後 凡三十六號為重號將軍又有五德將軍忠

軍師 武臣爪牙龍騎雲麾鎮兵翊師宣惠果毅智威仁

威勇威信威嚴威智武仁武勇武信武嚴武謂五德將

軍以班多者為貴凡十品二十四班品十取其盈數班

二十四以法氣序制簿悉以大號居後以為選法自小

遷大也前史所記以位得從公故將軍之名次於台槐

之下至是備其班品敘於百官之外凡一百二十五將

軍後魏將軍之名多矣謂驃騎車騎衛為三將軍末年

有八柱國大將軍其中六人各督二大將軍事在柱國

凡十二大將軍元贊元育元廓侯莫陳順宇文遵達奚

乾隆十二年校刊

職官十

大將軍維此十二又各分統開府一人一開府領一軍兵是為

二十四軍分掌禁旅當爪牙禦侮之寄自大統十六年

以後功臣位至柱國及大將軍者眾矣咸是散秩無復

統禦後周武帝三年改諸隋煬帝以左右衛隋初左右

屯衛改左右領左右禦衛新加左右候衛改左右武凡

十二衛各置大將軍一人將軍二人以總府事每衛各

錄事參軍司倉兵騎鎧等蓋魏周十二大將軍之遺制

大唐武德初秦王既平王世充及竇建德高祖以秦王

功殊今古自昔位號不足以為稱乃特置天策上將軍

以拜焉位在王公上及升儲宮遂廢天策府二年七月

高祖以天下未定事資武力將舉關中之眾以臨四方

乃置十二軍分關中諸府以隸焉以萬年道為參旗軍

平道為元戈軍醴泉道為丹鉞軍長安道為鼓旗軍富

州道為騎官軍寧州道為折威軍岐州道為平道軍華

州道為招搖軍麟州道為茹遊軍涇每軍將一人副一

人取威名素重者為之楊恭仁劉弘基長孫督耕戰之

備自是士馬強勁無敵於天下五年省七年以突厥寇

掠復置十二軍後又省之其後定制有左右衛隋之左

右驍左右武左右威左右威左右領軍左右金吾金

隋之武左右監門左右千牛凡十六衛大將軍各一人

左右衛及左右金吾總謂將軍總三十人左右千牛衛

之四衛其餘謂之雜衛將軍各一人

乾隆十二年校刊

職官字

四

餘衛各二人左右羽林左右龍武左右神武六軍大將軍各

一人將軍各三人皆有衛署開元十二年張說奏於三

謂之曠騎置於南衛每月分番自此以後不復簡點其餘驃騎輔國鎮軍冠軍四

大將軍雲麾勇武壯武宣威明威定遠寧遠游騎游擊

等九將軍並為五品以上武散官先天二年正月十日

勅往者衛士計戶取充使二十一入幕六十出軍既

勦勞咸欲避匿今改取二十五以上充十五年即放出

頻經征鎮者十年放出自今以後羽林飛騎先於衛士

中簡擇開元十一年二月勅同華兩州精兵所出地資

輦載不合外支自今以後吏不得取同華兩州兵防

左右衛 并親衛

漢京師有南北軍掌理禁衛南軍若今諸衛北軍若今

是也初有衛將軍說在本篇魏末晉文王又置中衛將軍武帝

受禪分中衛為左右衛將軍以羊琇為左趙序為右並置佐吏皆

掌宿衛營兵銀章青綬武冠絳朝服佩水蒼玉宋齊謂


之二衛各領營兵每暮一人宿直後增二衛儀從為九

十人陳因之後魏永光初又增置左右衛將軍各二人

北齊二人分掌左右廂所主朱華閣以外各武衛將軍

二人貳之隋初左右衛大將軍各一人將軍各二人又

各統親衛煬帝改左右衛為左右翊衛又加置親衛并領勳武三衛煬



帝改三衛為三侍非其所領軍士名為驍騎大唐復為

羽衛府皆無三侍掌宮掖禁禦將軍各二人貳大

左右衛大將軍各一人督攝隊伍將軍各二人將軍

事○長史各一人晉武帝置左右衛各有長史司馬東

晉省長史歷宋齊梁陳後魏北齊並同至隋左右衛各

置長史一人大唐因之○錄事參軍各一人東晉元帝

初為鎮東大將軍置錄事參軍自後無聞梁皇弟皇子

府有中錄事參軍及錄事參軍各一人後魏二大公府

及第一第二第三品將軍府及始蕃王二蕃王三蕃王

府各有錄事參軍官北齊因之隋左右衛府各有錄事

參軍一人大唐因之○倉曹參軍各二人東晉元帝為

鎮東大將軍有倉曹參軍宋武帝相府亦置後魏與錄

事參軍同置北齊因之隋左右衛府各有倉曹參軍一

人大唐因之置二人○兵曹參軍各二人歷代皆與倉

曹同置○騎曹參軍各一人魏司馬景王為大將軍有

騎兵宋武帝為相有騎兵參軍隋左右衛府有騎兵參

軍大唐初因之其後改為騎曹○冑曹參軍各一人東

晉元帝為鎮東大將軍有鎧曹參軍宋武帝為相亦有

之齊有左右鎧曹各一人隋左右衛府有鎧曹行參軍

事一人大唐因之長安初改為冑曹神龍初復為鎧曹

開元初復為冑曹凡自十六衛及東宮十率府錄事及

兵倉騎胄等曹參軍通謂之衛佐並為美職漢魏以來諸將軍有長史以下官屬今諸衛所置蓋亦因其舊號考其資位則全校微矣其下諸衛官屬並同○左右親衛中郎將府中郎將之名秦漢以來有之非今任也別具中郎將五官左右篇中今中郎將因隋每衛各置開府一員以統之大唐武德七年改開府為中郎將親衛為一府勳衛翊衛各為一府中郎將各一人掌領校尉以下宿衛總判府事大唐武德七年改親衛驃騎將軍為之其勳翊二衛亦然左右郎將一人隋備身府置左右郎將大唐因其名武德七年改親衛車騎將軍為之其勳翊二衛

亦然掌二中郎將之職錄事參軍一人掌受府事兵曹參軍一人掌判府事校尉五人

左右驍衛

漢有驍衛將軍謂之雜號將軍武帝以李廣為之後省後漢初改屯衛為驍騎魏置為中軍晉領營兵兼統宿衛梁以來其任愈重天監六年置左右驍騎領朱衣直閣並給儀從北徐州刺史昌義之首為此職出則羽儀清道入則與二衛通直臨軒則升殿夾侍改舊驍騎曰雲騎陳有左右驍騎及雲騎陳韋翽為驍騎將軍素有名稱每大事恒令夾侍左右時人永定二年詔云左右驍騎宜通文武文官則用

乾隆十二年校刊

職官十

七

心腹武官則用功臣所給儀從同太子一衛率後魏北齊並有驍騎將軍之職後周有左右驍騎率上士至隋開皇十八年置備身府煬帝卽位改左右備身府爲左右驍衛府所領軍士名曰豹騎其備身府又別置焉大唐因隋置左右驍衛府龍朔二年去府字光宅元年改左右驍衛爲左右武威神龍元年復舊大將軍各一人所掌與左右衛同將軍各二人以副之

領官屬並隋置大唐因之同左

左右武衛

後漢末曹公爲丞相有武衛營及魏文帝乃置武衛將

軍以主禁旅晉宋齊梁陳隋又有建武奮武廣武等將軍至隋採諸武之名置左右武衛大將軍一人將軍各二人以總府事煬帝改所領軍士名熊騎大唐光宅元年改爲左右鷹揚衛神龍元年復爲武衛其制與隋同所掌如左右衛

領官屬並隋置大唐因之同左右衛

左右威衛

隋初有領軍府煬帝改爲左右屯衛大唐因之貞觀十二年左右屯衛始置飛騎出遊幸卽衣五色袍乘六閑馬賜猛獸衣鞚而從焉龍朔二年改左右屯衛爲左右威衛而別置左右屯營亦有大將軍等官

尋改左右屯營爲羽林

光宅元年改威衛為豹韜衛神龍元年復舊所掌如左

右衛領官屬並隋置大唐因之同左右衛龍朔二年左右威衛舊官之員外各置錄事參軍一人府三人

史四人並隸左右羽林軍統本司事

左右領軍衛

初魏武為漢丞相相府自置領軍非漢官也建安十二

年改為中領軍以史渙為之與護軍韓浩皆領禁兵文

帝受漢禪始置領軍將軍主五校中壘武衛三營魏文帝踐

祚始置領軍將軍以曹休為之晉武帝初省使中軍將軍羊祜統二衛

前後左右驍騎七軍營兵即領軍之任也祜遷罷復置

北軍中候懷帝永嘉中改中軍曰中領軍元帝永昌元

年復改曰北軍中候尋復為領軍成帝時復以為中候

而陶侃居之尋復為領軍魏晉領護皆金章紫綬中領

中護銀章青綬武冠絳朝服佩水蒼玉晉郗鑿庾亮紀瞻卞壺陸暕褚

翼王處之會稽王道子沈嘉武陵王導孔安國謝鯤等並為領軍宋置領軍將軍一人

掌內軍護軍將軍一人掌外軍齊有領軍及中領軍凡

為中小輕同一官也諸為將軍官皆敬護諸王為將軍

相逢則領護讓道領軍置長史以下官屬梁領軍將軍

管天下兵要謂之禁司與左右僕射為一流中領軍與

吏部尚書為一流梁蕭景為領軍將軍管天下兵要監局官僚皆近侍多驕侈景在職峻切

官曹肅然其監局多事唯景及臧陳因之後魏有領軍盾長於撥繁繼居此職並著聲稱

護軍二職若侍臣帶者加中又有領軍將軍護軍將軍二軍與領

護不並置北齊領軍府凡禁衛官皆主之以高歸彥為

領軍大將軍領軍加大自歸彥始隋有左右領軍府各

掌十二軍籍帳差科辭訟之事不置將軍唯有長史司

馬諸曹掾屬等官煬帝改領軍為左右屯衛即今左大

唐復採舊名別置領軍衛分為左右龍朔二年改為左

右戎衛咸亨元年復舊光宅元年改為左右玉鈴衛神

龍元年復舊各置大將軍一人掌宮掖禁備督攝隊伍

與左右諸衛同將軍各二人以副之長史齊梁陳並有

馬隋置錄事以下諸曹大唐因之同左右衛

左右金吾衛

秦有中尉掌徼循京師如淳曰所謂游徼徼循禁備盜

鈞漢武帝太初元年更名執金吾應劭曰吾者禦也掌

師古曰金吾鳥名也主辟不祥天子出職主緹騎二百

先導以禦非常故執此鳥之象因以名官緹騎二百

人緹騎無秩比史食俸五百二十人輿服導從光生滿路羣僚之

中斯最壯矣光武微時歎曰仕舊掌京師盜賊考按疑

事邳都甯成王溫舒減宣等皆截理橫噬虎而冠者也

一切理辦亦旋誅黜邳都為中尉見者後漢掌宮外戒

司非常水火之事衛尉巡行宮中金吾徼巡宮月三繞

行宮外及主兵器自中興但專徼循不與他政魏武秉

政復爲中尉晉初罷直至後周置武環率武侯率下大夫各二人隋置左右武侯府大將軍一人將軍三人掌車駕出入先驅後殿晝巡夜察執捕姦非烽候道路水草所宜巡狩師田則掌其營禁煬帝大業三年改爲左右武侯衛所領軍士名飲飛漢百官表曰漢有左七令武帝太初元年更名飲飛掌弋射屬少府光武省之隋氏採舊名大唐又爲左右武侯府龍朔二年改爲左右金吾衛置大將軍一人所掌與隋同將軍二人副其事領官屬並隋置大唐因之

左右監門衛

隋初有左右監門府將軍各一人掌宮殿門禁及守衛

事各置郎將二人校尉直長各三十八

有長史司馬錄事及倉兵二曹

參軍鏡曹行參軍各一人二漢有城門校尉掌京師城門屯兵非今任也煬帝改將軍爲郎

將各一人正四品置官屬並同備身府大唐左右監門

府置大將軍中郎將等官龍朔二年改府爲衛大將軍

各一人所掌與隋同將軍各二人以副之中郎將各四

人分掌諸門以時巡檢

領官屬並隋置大唐因之

左右千牛衛

千牛刀名後漢有千牛備身掌執御刀因以名職

謝綽宋拾

遺有千牛刀卽人君防身刀也齊尚書楊玉夫取千牛刀殺蒼梧王是也其義蓋取莊子云庖丁爲文惠君解牛十九年所割者數千牛而刀刃若新發於硎因以爲備身刀名北齊千牛備身屬左

右將軍隋有左右領左右府大將軍一人將軍二人掌侍衛左右供御兵仗領千牛備身十二人掌執千牛刀備身左右十二人掌供御刀箭備身十六人掌宿衛侍從左右置長史司馬錄事參軍及倉兵二曹參軍事燈曹行參軍煬帝改左右領左右府為左右備身府置備身郎將等官大唐貞觀中復為左右領左右府顯慶五年始置左右千牛府龍朔二年改左右千牛府為左右奉宸衛後改為左右千牛衛神龍二年各置大將軍一人初以安國相王為千牛衛大將軍是時王以常登帝位所掌與隋同總判衛事將軍各一人以副之中郎將各一人通判衛事領官屬即隋左右領左右府長史以下大唐改之左右千牛備

身各十二人龍朔中改為左右奉執御刀宿衛侍從皆以高蔭子弟之花鈿繡服衣之良少姿容美麗者補備身左右十二人執御刀弓宿衛侍省宿衛侍備身各一百人宿掌

左右羽林衛

漢武太初元年初置建章營騎後更名羽林騎言其為國羽翼如林之盛顏師古曰如羽之疾如林之多宣帝令中郎將騎都尉監羽林謂之羽林中郎將領郎百人謂之羽林郎選隴西漢陽安定北地西河上郡良家子便弓馬者以為之一名巖郎言其禦侮巖除之下後漢志曰

言從遊獵還宿殿階巖下室中故號

巖郎或說為巖郎取其巖屬素整也

又置羽林左右監

後漢志曰羽林左監一人主羽林左騎

羽林右監一人主羽林右騎皆六百石

取從軍死事之子孫養之羽林官教以五兵號曰羽林孤兒

五兵謂弓矢及矛戈

光武中興以所征伐士勞苦者為之其後復簡五營高

手別為左右監羽林父死子繼與虎賁同所居之署謂

之寺

延熹六年減虎賁羽林住寺不任事者半俸

漢並屬光祿勳

後漢竇固鄧彪

並為魏羽林左右監與漢同

又侯元為右

晉罷羽林中

郎將又省一監置一監而已

帝省宋武帝永初初復

置江右領營兵江左無復營

羽林監及虎賁中郎將

並銅印墨綬武冠絳朝服其在陛列則鵠尾冠

鵠鳥每關死不

止絳紗縠單衣江左不復著鵠冠齊因之後魏有羽林

監北齊置監十五人後周有左右羽林率屬大司馬隋

煬帝改左右領軍為左右屯衛所領兵為羽林大唐貞

觀十二年於元武門置左右屯營以諸衛將軍領之其

兵名曰飛騎又於飛騎中簡才力驍捷善射者號為百

騎扈從遊幸則衣五色袍乘六閑馬賜猛獸衣鞞龍朔

二年改左右屯營為左右羽林軍武太后臨朝永昌元

年改百騎為千騎天授中改軍為衛中宗景龍元年改

千騎為萬騎大將軍一人

左右衛同將軍各三人以副之

大足元年左右羽林衛各增置將軍一人

所掌與

乾隆十二年校刊

職官十

左右龍武軍

左右神武等軍附

大唐之初有禁兵號為百騎屬羽林永昌元年改羽林百騎為千騎景龍元年改千騎為萬騎仍分為左右營開元二十六年析羽林軍置左右龍武軍以左右萬騎營隸焉

官屬並大唐置至德中分置左右神武軍各置官屬如羽林之制

通典卷第二十八

通典卷第二十九

唐 京 兆 杜 佑 君 卿 纂

職官十一

武官下

大將軍

井官屬

大將軍戰國時官也楚懷王與秦戰秦敗楚虜其大將

軍屈巧是矣漢高帝以韓信為大將軍

初拜信蕭何曰王素慢無禮今

拜大將如兒戲耳乃擇良日齊戒設壇以禮拜又竇嬰為大將軍每朝大議列侯莫敢抗禮武帝又

置初武帝以衛青數征伐有功以為大將軍欲尊寵之

故置大司馬官號以冠之

衛青字仲卿為車騎擊匈奴大立功引兵至塞天子使使

者持大將軍印因軍中拜青為大將軍位在公上卿以下皆拜惟汲黯獨揖後又加青大司馬位冠於大將軍上共為一官後霍光王鳳等皆然成帝綏和二年賜大司馬

印綬罷將軍官後漢光武時吳漢以大將軍為大司馬後漢大將軍自為一官和帝時以竇憲為之舊大將軍其大司馬不加於其上

位在三公下置官屬依太尉憲威權振朝廷公卿希旨奏憲位次太傅下三公上長史司馬秩中二千石從事

中郎二人六百石自下各有增憲初為此官威振天下尚書以下欲拜之伏稱萬歲尚書令韓稜曰禮無人臣稱萬歲之制乃止後梁冀為之官屬倍於三公府自安帝政理

衰缺始以嫡舅耿寶為大將軍常在京都順帝即位又以皇后父兄弟相繼為大將軍如三公梁冀列傳云元嘉二年又加冀

禮儀大將軍朝到端門謁者將引增掾屬舍人令史官騎鼓吹各十人風俗通曰桓帝初京師謠曰游平賣印自有評不避豪強及大姓按竇武字漢末猶在三公上

游平為大將軍印綬所加咸得其人魏武為大將軍袁紹為太尉紹恥班在下魏武乃固以大將軍讓紹魏黃初中又有上大將軍以曹真為之吳亦以陸遜為上大將軍明帝青龍三

年晉宣帝自大將軍為太尉然則大將軍在三司下矣其後又在三司上自漢東京大將軍不常置為之者皆

擅朝權至晉景帝為大將軍亦受非常之任後以叔父孚為太尉奏改大將軍在太尉後位次三司下後復舊

在三司上大康元年瑯琊王伷遷大將軍復制在三司下伷薨復如舊冠綬佩服與大司馬同宋唯彭城王義

康爲之章綬冠佩亦與晉同齊以爲贈梁有之陳以爲贈後魏北齊爲二大與大司馬同後周建德四年增置上大將軍隋並以爲武散官不理事上大將軍從二品大將軍正三品大唐貞觀二年九月勅六軍先已各置統軍一人今十六衛宜各置上將軍一人秩從二品其左右衛及左金吾衛上將軍俸料隨軍人馬等並同六軍統軍其諸衛上將軍次於統軍支給自今已後內外文武闕官於文武班中材望相當者參敘仍符以後各依故事於本衛量置衛兵仍舉故事置武班朝參其廊下食亦宜加給稍令優重漢不見官屬後漢大將軍驃

騎將軍車騎將軍衛將軍有長史一人司馬一人

竇叢爲大

將軍置長史司馬員吏官屬位次太傅屬官

從事中郎二人掾屬二十九人

令史及御屬三十一人又賜官騎四十人及鼓吹

應劭曰鼓

吹二十八非常員

其領軍皆有部曲大將軍營五部部校尉一

人軍司馬一人部下有曲曲有軍候一人曲下有佗佗

長一人其不置校尉部但有軍司馬一人其別營領屬

爲別部司馬其兵多少各隨時宜門有門候魏以司馬

景王爲大將軍置掾十人則無屬官其驃騎車騎府有

長史司馬晉驃騎衛將軍伏波撫軍都護鎮軍中領四

征四鎮龍驤典軍上軍輔國等大將軍開府者皆爲位

從公品秩俸賜亦與諸公同加兵者增置司馬一人從事中郎二人主簿記室督各一人官屬並與公同宋大將軍驃騎車騎衛將軍諸府皆有長史一人又各置司馬一人齊有大將軍為贈官無僚屬諸驃騎車騎衛鎮軍中軍撫軍四征四鎮等將軍凡加大字位從公長史司馬諸官屬亦同公梁因之諸將軍優者亦然陳為贈官無僚屬後魏大將軍僚屬如三公北齊亦然後周大將軍有長史司馬中郎掾屬諸曹參軍典籤等員隋以後無

車騎將軍

漢文帝元年始用薄昭為車騎將軍

灌嬰周亞夫金日磾並為之後

漢章帝即位西羌反以舅馬防行車騎將軍征之銀印

青綬在卿上絕席還復罷和帝即位以舅竇憲為車騎

將軍征匈奴始賜金紫次司空

竇憲為車騎將軍辟在駟為掾憲府貴重掾屬

三十人皆故刺史二千石惟駟以處士年少擢在其間其餘佐故事如太尉後梁冀為之官屬倍於餘府安

帝即位西羌寇亂以舅鄧騭為車騎將軍征之數年復

罷

又皇甫嵩等並為之其官屬附見大將軍後

靈帝數以車騎拜嬖臣及贈

亡人

應劭曰美號加於頑克印綬汗於腐屍虧國家之舊傷號武之重昔年有覩被髮之祥知其為戎今

假號雲集魏車騎為都督儀與四征同若不為都督雖

持節屬四征者與前後左右雜號將軍同其或散還從

文官之例則位次三司晉宋車騎衛不復為四征所督
晉羊祜為車騎將軍後魏制與驃騎同位次升隋車騎
開府如三司之儀屬驃騎府大唐省之說在前篇

衛將軍

漢文帝始用宋昌為衛將軍位亞三司其官屬附見大
將軍後凡驃騎車騎衛三將軍皆金印紫綬武冠絳朝
服佩水蒼玉晉以陸曄為衛將軍兼儀同三司加千兵
百騎東晉以後尤為要重後魏初加大則次儀同三司
孝文太和中制加大則位在太子太師上歷代多有太
唐無之

前後左右將軍

前後左右將軍皆周末官秦因之位上卿金印紫綬漢
不常置或有前後或有左右皆掌兵及四夷李廣為前
將軍趙充
國為後將軍辛慶忌王商為
左將軍馮奉世為右將軍光武建武七年省魏以來
復置晉武初又置前軍左軍右軍太始八年又置後軍
是為四軍齊亦號左右前後四軍陳並有之北齊左右
將軍領千牛備身大唐無

四征將軍

四征將軍皆漢魏以來置加大者始曰方面征東將軍
漢獻帝初平三年以馬
騰為之或云以張遼為征西將軍漢光武建武中以
馮異為大將軍征

乾隆十二年校刊

職官十一

五

南將軍漢光武建武二年置以馮異 征北將軍魏明帝太和
置劉靖為之許允亦為之 各一人 魏黃初中位次三公後魏加大則
次衛將軍大唐無

四鎮將軍

鎮東將軍後漢末魏武帝為之 鎮南將軍後漢末劉表為之魏
為之 鎮西將軍後漢劉表為之魏鍾會鄧艾並為之 鎮北將軍魏明帝太和

允並各一人 宋時四鎮與中軍為雜號後魏加大次尚
書令大唐無

四安將軍

安東將軍後漢陶謙曹休並為之 安南將軍光武元年以岑彭為

之 安西將軍後漢末段熲魏鍾會晉郝鑿亦為之 安北將軍晉以郝鑿為之 各一
人後魏亦有大唐無

四平將軍

平東將軍晉當陽侯杜元凱王濬等為之 平南將軍晉盧欽羊祜胡奮等為之 平西
將軍晉以嵇紹 平北將軍漢獻以張燕晉阮坦亦為之 各一人並漢魏間

置後魏亦有大唐無

雜號將軍

歷代雜號將軍凡有數百不可具載今錄其著者

上漢以呂祿 騎漢武帝以公孫敖及樓船 樓船漢元封三年
為之 橫海漢元鼎六年以韓說 材官漢李息為之 貳師漢李
為之 征貳師城取輕車漢武帝以公孫賀為之 伏波漢武帝征南
善馬故以為號

乾隆十二年校刊

職官十一

以路博德為之後漢馬援亦為之伏中軍漢武帝以公孫敖為之

波者船涉江海欲使波浪之伏息建戈於船奮威漢武帝以公

強弩漢武帝以戈船環氏要畧云建戈於船奮威

田千秋度遼漢武帝初以范明友為度遼將軍後漢明

為之度遼帝永平八年又置屯五原銀印青綬種暹

字伯景為度遼將軍誠心懷撫信賞分明乃去烽燧斥

堠邊方晏然及卒匈奴舉國傷惜單于每入朝賀每見

墳輒哭泣祭禮又李鷹積射漢有之晉武帝太始四年

營置積射強建威漢元帝以韓安國王晏並九武王莽

弩將軍主之建威為之光武以耿弇為之九武拜將

軍九人皆以武為征虜後漢建武中始以祭武牙後漢

號號曰九武將軍遵為後張飛亦為之武牙後漢

以蓋延橫野後漢光武以王常為橫野捕虜後漢承平

為之鷹揚後漢建安中魏討逆孫策為之以破虜後漢末以

討虜孫權為之以安漢軍師將軍之班在武威魏武帝以

撫軍魏武帝置以司凌江後漢置以寧朔魏以王橫江

吳魯肅為之又曰魯橫江龍驤晉武帝始以殿中宋初

昔仗萬人屯據陸口界龍驤王濬為之殿中置之

黑稍後魏于粟磾好持黑稍以自衛劉裕遙見題牙門

將冠服與將軍同魏文帝黃初中置明帝以胡烈為之

故也晉惠帝特置四部牙門以

汝南王祐為之蜀以趙雲為之

監軍軍師祭酒理曹掾屬附

周代齊景公使穰苴將兵捍燕晉之師穰苴願得君之

寵臣以監軍公使莊賈往賈不時至苴斬之是其始也

漢武帝置監軍使者光武以來歛監諸將後漢末劉焉

以監軍使者領益州牧劉璋亦為魏晉皆有之魏時司

乾隆十二年校刊 職官十一

征壽春石苞為監軍鍾會伐蜀衛瓘初隗囂軍中嘗置

為監軍晉孟康持節監石苞諸軍事

軍師隗囂聘平陵人方望以為軍師又袁紹請盧損為軍師至魏武帝又置師官

四人魏荀攸為軍師軍國選舉及刑獄法制皆使決焉又梁義為左軍師吳朱然為右軍師蜀以諸葛亮

為軍師將軍晉避景帝諱改為軍司凡諸軍皆置之以為常

員所以節量諸宜亦監軍之職也而太尉軍司尤重故

山公啓事曰太尉軍司缺當選上宰監宜得宿有資重

者也宋齊以來此官頗廢至梁大通四年元法僧北討

復以羊侃為大軍司後代多不置至隋末或以御史監

軍事大唐亦然時有其職非常官也開元二十年後並

以中官為之謂之監軍使○軍師祭酒後漢建安三年曹公還許初置

此官理曹掾屬後漢建安十九年魏武令曰軍中典獄者置此選明達法理者為之

三署郎官敘

漢中郎將分掌三署郎有議郎中郎皆比六侍郎比四

郎中比二凡四等皆秦官無員多至千人靈帝時三署郎吏二千餘

人皆掌門戶出充車騎其散郎謂之外郎故卿校尉牧守待價

於此公車特徵賢良方正敦樸有道高節公府掾曹試

博士者亦充茲位其下第白衣試博士者皆拜郎中中

郎有五官左右三將謂五官中郎將郎中有車戶騎三將

如淳曰主車曰車郎主戶衛曰戶郎漢舊儀曰郎中令

主郎中左右車將主左右車郎左右戶將主左右戶郎

乾隆十二年校刊 通典卷三十九 職官十一 八

凡郎官皆主更直執戟宿衛諸殿門唯議郎不在直中

漢儀曰三署郎見光祿勳執板拜若見五官左右將執板不拜於三公諸卿無敬郎官故事令

出錢市財用給文書乃得出時號曰山郎謂以貲財為郎也山者財

用之所出或至歲不得休沐其豪富郎日出遊戲或行

錢得善部貨賂流行轉相放傲楊惲字子幼為中郎將罷

山郎其疾病休沐皆以法令有過奏免薦舉其高第有

行能者多至郡守九卿三署化之莫不自勵宮殿之內

翕然同聲其後遂以為常後漢和帝永元元年初令郎官詔除者得占丞尉以此秩

為凡三署郎官二漢並屬光祿勳光祿選三署郎有行

應四科者歲舉茂才二人四行二人後漢范滂字孟博舉孝廉光祿四行

時冀州饑荒盜賊羣起乃以滂為清詔使以按察之滂登車攬轡慨然有澄清天下之志及到州境守令有賊

汚者望風解印綬而去其所舉奏莫不厭塞眾議又上廉吏六人為長理劇隨

缺多少萬戶以上為劇縣其少者不選公府亦然故

明帝時館陶公主為子求郎帝不許賜錢十萬曰夫郎

官上應列宿出宰百里苟非其人人受其殃後漢和靈間三署見

郎七百餘人而郡國計吏多留拜為郎太尉楊秉上疏諫曰先王建國順天制官太微積星名為郎位入奉宿

衛出牧百姓云云按自近代皆謂郎官上應列宿出幸

百里為尚書郎故事且夫天文有武賁郎位等星皆在

太微帝座之後為翊衛之象則應劭楊秉所言三署郎

是也而世人謂之尚書郎則誤矣徵其失也蓋自梁陶藻職官要錄以漢三署郎故事通舊有郎中將右騎光

武中興悉省漢袁盎卜式張騫並為中郎韓信主父偃並為郎中後漢明帝性褊察嘗以事怒郎

乾隆十二年校刊

通鑑卷三十九

職官十一

九

藥崧崧走入床下上將杖撞崧崧曰天子穆穆諸侯皇
皇未聞人君自起撞郎上乃捨之又班固二代位不過
郎又陳蕃諫靈帝曰昔明帝公主為子求郎賜錢十萬
萬今陛下除拜郎吏無有休已以一郎比一把菜耳晉
議郎遷為太守山公啓事曰議郎許允宜參廣漢太守選亦有郎中等官其
後雖有中郎將等官而無三署郎矣

中郎將 五官中郎將 左右中郎將

五官左右中郎將皆秦官漢因之並領三署郎從後漢
之制郡國舉孝廉以補之三署郎年五十以上屬五官
後漢黃琬字子琰為五官中郎將時陳蕃為光祿勳深
相敬待每與議事舊制光祿舉三署郎以功高久次才
德尤異者為茂才四行時權富子弟多以人事得舉而
貧約守志者見遺京師諺曰欲得不能光祿茂才於是
蕃琬同心顯用志士故蕃其次分屬左右署左右郎將
琬皆為權富郎所中傷也

各領左右署郎二署皆有中郎侍郎郎中三郎並屬光

祿勳漢衛綰文帝時以戲車為中郎將戲車謂能左右

超乘也景帝幸上林詔綰乘重其淳謹又蘇武

以中郎將持節使匈奴又司馬相如拜中郎將建節往

使邛笮縣令負弩矢前驅蜀人以為寵又後漢左中郎

將皇甫嵩右中郎將朱儁並討黃巾有大功又建安十

六年魏公子丕為五官中郎將置官屬以副丞相位在

魏國諸侯王上魏無三署郎猶置左右中郎將晉武帝省左右

中郎將官宋孝武大明中復置銀章青綬武冠絳朝服

佩水蒼玉齊左右中郎將屬西省梁代並分司丹禁今

中郎將四十四員郎將六十四員各附諸軍諸衛篇大

唐亦置諸衛中郎將永徽三年八月避太子名改中郎

將為旅賁郎將又改為翊軍郎將尋復舊

虎賁中郎將

周官有虎賁氏掌領虎士八百人軍旅會同君宿於外

則守王閑閑桂桓行馬也桂音陞桓音護漢武帝建元三年初置期門

比郎中蓋以微行出遊選材力之士執兵從送期之諸

門故名期門無員多至千人平帝元始元年更名虎賁

郎舊曰虎奔言如虎之奔置中郎將領之故有虎賁中郎將主虎

賁宿衛冠插兩鵞尾鵞鷲鳥之中果勁者每有攫撮應爪摧碎尾上黨所貢也後漢崔鈞

為武賁中郎將服武弁戴鵞尾攬音纒紗縠單衣虎文錦袴餘郎亦然凡

有虎賁中郎虎賁侍郎虎賁郎中節從虎賁皆父死子

繼若死王事亦如之前賢亦多為者後漢馬援孔融並為虎賁中郎將遷

尚書魏桓階字伯緒為虎賁中郎將遷尚書典選大唐無

四中郎將東西南北

東中郎將後漢靈帝以董卓為之南中郎將後漢獻帝以臨淄侯曹植為之西中

郎將晉以謝曼桓冲為之北中郎將後漢以盧植為之建安中並後

漢置江左彌重或領刺史或持節為之銀印青綬服同

將軍後魏靈太后時四中郎將兵數寡弱不足以襟帶

京師任城王澄奏宜以東中帶滎陽郡南中帶魯陽郡

西中帶恒農郡北中帶河南郡選二品三品親賢兼稱

者居之配以強兵則深根固本之計也靈太后初從之後復止大唐至

德後節度都團練使殆其遺職

乾隆十二年校刊

職官十一

雜中郎將

使匈奴中郎將

後漢主護南單于以張奐為之後魏天興四年罷

平越中郎將

晉武帝置理廣州主護南越

司金中郎將

趙王循為之武衛中郎將魏始

褚為大唐無

折衝府

果毅別將等附

隋初左右衛左右武衛左右武侯各領軍坊鄉團以統戎卒開皇中置驃騎將軍府每府置驃騎車騎二將軍大業三年改驃騎府為鷹揚府改驃騎將軍為鷹揚郎將改車騎將軍為鷹揚副郎將五年又以鷹揚副郎將為鷹擊郎將九年別置折衝果毅及武勇雄武等郎將官以統領驍果大

唐武德初猶有驃騎府及驃騎車騎將軍之制武德七

年乃改驃騎為統軍車騎為別將貞觀十年復採隋折

衝果毅郎將之名改統軍為折衝都尉別將為果毅都

尉魏有折衝將軍後周有成其府多因其地各自為名

無鷹揚之號凡五百七十四府分置於諸州而名隸諸

衛及東宮率府各領兵滿一千二百人為上府兩京城內雖不

滿此數亦千人為中府兩畿及岐同華懷陝等五州所

八百人為下府每府置折衝都尉一人掌領校尉以下

上總判左右果毅都尉各一人掌通判春秋傳曰戎昭

府事果為毅場帝始別將一人不判府事若無兵曹以上即

置後改將為之

知府事初別

既改為果毅

果毅

乾隆十二年校刊

職官十一

三

而府中有長史員聖歷三年廢長史通判載初

史置別將一員後又兼置長史元年置

兵曹一人判府事付事勾稽監印給紙筆校尉六人以下小吏各有差

數置凡府在赤縣為赤府在畿縣為畿府衛士以三百

人為團團有校尉五十人為隊隊有正十人為火火有

備六馱馬驢初置八馱後改為六米糧介冑戎器鍋幕貯之府庫

以備武事每歲十一月以衛士帳上於兵部以候徵發

天下衛士向六十萬人初置以成丁而入六十出役其

久逃死者不補天寶八年五月停折衝府以無兵可校之十一年八月

改諸衛士為武士

三都尉 奉車 駙馬 騎 奉朝請附

奉車駙馬騎三都尉並漢武帝元鼎二年初置李陵為

至更始時官亂諺舊無員或以冠常侍或卿尹校尉左

遷為之奉車掌御乘輿漢官曰駙馬掌駙馬駙馬非

皆為副馬一日騎都尉本監羽林騎漢官又竇嬰為朝

請竇太后除嬰門籍不得入朝請漢後漢並屬光祿勳

奉朝請無員本不為官漢東京罷省三公外戚皇室諸

侯多奉朝請奉朝請者奉朝會請召而已晉武帝亦以

皇室外戚為三都尉而奉朝請焉元帝為晉王以參軍

為奉車都尉掾屬為駙馬都尉行參軍舍人為騎都尉

皆奉朝請後罷奉車騎二都尉唯留駙馬都尉奉朝請

乾隆十二年校刊

職官十

而已諸尚公主者若劉惔桓溫等皆爲之宋武帝永初
以來以朝請選雜其尚主者唯拜駙馬都尉齊奉朝請
駙馬都尉及散騎給事中等官並集書省職朝散用衣
冠之餘人數猥積武帝永明中奉朝請至六百餘人
儀曰凡尚公主 梁三都尉並無員秩其奉車駙馬皆武
拜駙馬都尉 冠絳朝服銀章青綬梁陳駙馬皆尚公主者爲之
女永世公主先適陳留太守錢蕝生子岳及岳並卒武
帝受禪唯公主追封將葬尚書主客牒詳議欲加歲駙
馬都尉并贈品官袁樞議曰昔王姬下降必適諸侯同
姓爲主間於公羊之說車服不繫著於詩人之篇漢氏
之初列侯尚主自斯以後降嬪素族駙馬都尉置由漢
武或以假諸功臣或以加於戚屬是以魏表駙馬爲一
號魏晉以來因爲常准蓋明玉姬之重庶姓之輕若不
加其等級莫可合昏而醮所以假駙馬之位乃崇於皇

女今公主早薨伉儷已絕既無禮數致疑何須駙馬之
授按當陽侯杜元凱尚晉宣帝第二女高陸宣公主晉
武踐祚而主已亡泰始中追贈公主杜君無復駙馬之
號梁元帝女新安穆公主早薨天監初王氏無追拜之
事遠近二例足以據明公主所生既未及成人之禮無
勞此授今宜追贈亭侯時以樞議爲衷蕝丑善反岳音
節 後魏駙馬都尉亦爲尚公主官雖位高卿尹而此職
不去奉車二十人騎都尉六十人北齊駙馬與後魏同
隋開皇三年罷奉朝請煬帝時奉車駙馬並廢大唐駙
馬都尉從五品皆尚主者爲之開元三年八月勅駙馬
都尉從五品階宜依令式仍借紫金魚袋天寶以前悉
以儀容美麗者充選奉車都尉五員掌馭副車不常置
若大備陳設則以餘官攝行屬左右衛
乾隆十二年校刊

文化甲子

